

راوند و قهقهه خامه‌ی

T.B.M.M

DDC:
YER: 73-3143
YIL:
CLT:
KSM:
KOP:
DEM: 73-6520

KÜTÜPHANESİ

ژاندارمه نظامنامه هایونی

استانبول

مطبعةٔ عسکریه ده طبع اولمشدر

۱۳۲۴



ژاندارمه نظامنامه هاپونی

ژاندارمه نك تأسيساتى
احكام عموميه

برنجى قسم

ژاندارمه نك وظائف وخدماتى

ماده ۱ — ژاندارمه امنيت عموميه يى محافظه و آسايش
بقاسنى وقوانين و نظامات موضوعه نك اجراى احكامنى تأمين
ايچون تأسيس اولمش برهيت عسكريه در.
ژاندارمه نك وظيفه اساسيه سى هر درلو جرايمك زجرومى
ايچون متبصرانه حركت ايتمكدور.
ژاندارمه نك باشليجه خدمتى بوللرك و قير و قريه لرك امنيتى

محافظه ایتمک و شهر و قصبه بولیس بولیس قوه الظهر اولق و بولیس بولنیا محللرده بولیس وظائفی ایضا ایلمکدر .

۲ — ژاندارمه سلطنت سینه نک قوه مسلحه سی اقسامنددر . بناءً علیه بالجملة قوانین و نظامات عسکریه نک احکامی ژاندارمه صنفی حقیقه جاری اولدینی کبی ژاندارمه نک وظائف ملکیه و عدلیه سی واکا متعلق احکام اشبو نظامنامه ده کوسترلشددر .

۳ — ژاندارمه امرا و ضابطانک مأموریتلری عساکر نظامیه امرا و ضابطانی مثللو امرا عالی و بیورلدی ایله اجرا اولنور .

۴ — ژاندارمه صنفی ضبط و ربط و اداره خبوصلرنده جهت عسکریه و وظائف مخصوصه سنک اجرایی اعتباریه جهت ملکیه و عدلیه به مربوطدر .

ایکینجی قسم

ژاندارمه افرادینک صورت تحلیفی

۵ — علی العموم ژاندارمه امرا و ضابطان و نفراتی ژاندارمه سلکنه کیرمزدن اول بروجه آتی یمین ایدرلر :

« صورت یمین »

ولی نعمت بیتمیز پادشاهمز افندمز حضر تلرینه اطاعت و صداقدن آیرلیه جغمه و تودیع بیوریلان خدماتده امنیتیه سوء استعمال و خلاف نامرس و صداقت احوالی ارتکاب ایتمه جکمه « والله »

يمين ايدنلرك اسامىنى ويمين ايتدكلرينى حاوى اولان اوراق
بالتصديق تحليفك اجرا اولندينى موقعك اك بيوك ضابطى
طرفدن اون التيجى مادهده محرر اوراق ايله برلشدبريلور.

اوچنجى قسم

ژاندارمه مفتشلىرى

۶ — ژاندارمه الاى ومستقل طابورلرينك ومفرزه لرينك
سنده بردفمه مقام سرعسكریدن بالاستيدان شرفصدور
بيوريله جق اراده سنيه حضرت پادشاهى منطوق عاليى
وجهله تعيين اولنه جق مفتش عموميلر معرفتلى ايله يوقلمه
ومعاينه لى اجرا وحسابلى تدقيق اولنور .
اشبو مفتش عموميلر عساكر نظاميه ورديفه ارکان
وامراسندن انتخاب اولنور.

تعيين اولنه جق مفتشلرك رتبه لى تفتيش ايدم جكلرى
ژاندارمه قطعاتى قوماندانك رتبه سندن دون اوليه جقدر.

۷ — مفتشلىر بالجمله ژاندارمه افرادينك احوالى
وزاندارمه هيئت واقسامنك لوازماتى اطرافى ايله تحقيق
ومواقعه احكام نظاماته رعايت اولنوب اولنديغى وزاندارمه
هيئتلىرينك مكلف اولدقلى وظائف وخدماتى حسن ايفايه
مقتدر وصالح اولوب اولمدقلىنى تدقيق ايدرلر. ژاندارمه
حقنده نه كى اصلاحاته لزوم كورلديكى وه وجود امرا
وضابطان و افراددن تبديل واخراجلى ايجاب ايدنلر

بولنديني حالده لازم كلان معاملاتك اجراسني مين لايحه لر
تنظيم ومقام سرعسكري به تقديم ايدرلر.

برنجی باب

برنجی فصل تشکيلات

برنجی قسم

ژاندارمه نك تربیاتی

۸ — هر ولايتك پیاده وسواری ژاندارمه سی بر آلاي
وهرسنجاقدہ بولتان ژاندارمه لر بر طابور وقضالده کيلر بر
بلوك اعتبار اولنور.

آلاي طابورلر و طابور بلوکلر و بلوك طاقلر منقسم
اولوب طاقلر ايجابنه کوره قره غول اعتباريله نواحی وقرايه
توزیع ايدیلور. بلوکلر موجودی منسوب اولدقلری قضالرك
درجه اهمیت واحتیاجنه کوره پیاده وسواری افرادندن
ترتیب وتعیین اولنور.

قره غوللر صرف پیاده وصرف سواری اولسون اقامه
واستخدا اولنه جقلری مواقعك اهمیتي نسبتده درت ونهایت
اون نفرمدن مرتبدر.

۹ — هر بلوكده بر بلوك قوماندانی بولنوب بونك
میتند ملازم اول وثانی رتبه سنده ايكي ضابط بولنه جقدره.
ضابطان مومی الیهمدن بلوك قوماندانی بلوك مركزی اولان
فلس مركز قضاده وملازملر قضایه مربوط نواحی ویاخود
حادث اهمیت اولان قراده استخدام اولنور.

برولایتده بولان طابورلرک مجموعنه او ولایتک اسمی
ویریلرک ولایت ژاندارمه آلای تسمیه اولنور وهر آلای
آلای قوماندانی وهر طابور طابور قوماندانی نامیله امرادن
برر ذاتک تحت قومانداسنده بولنور.

۱۰ — ژاندارمه آلاینه مربوط اولمق اوزره عندالایجاب
اقتضا ایدن ولایتلرده پزده سیار طابوری تشکیل اولنور.

۱۱ — الویه غیر ملحقهده برر مستقل طابور بولنور.

۱۲ — ژاندارمه صنفک سلسله مراتبی:

پیاده ویا سواری اونباشیسی

بلوک امینی، پیاده ویا سواری چاوشی

باش چاوش

ملازم تانی

ملازم اول

طابور کابی

بلوک قوماندانی

اداره امینی

طابور قوماندانی، الای قوماندانی

۱۳ — بلوک قومانداننک بولندینی بلوک مرکزنده

بلوک معاملات حسابیه سنی ایفا ایتک اوزره برباش چاوشله

بربلوک امینی بولنور.

ولایات شاهانه نک مرکز سنجاقلری دخی داخل اولدینی

حالدیه سنجاقل مرکزنده طابورک معاملات مالییه و حسابیه سنی

ایفا ایتک اوزره برطابور کاتبی و ولایت مرکزنده آلاک
کافه معاملات مالیه و حسابیه بنی ایفا ایتکله برابر طابور
کاتبیرینک حرکاتنده نظارت ایتک اوزره براداره امینی بولنور.

ایکنجی قسم

ژاندارمه خدمتک مدتی و ژاندارمه افرادینک
صورت قبولی

۱۴ — ژاندارمه یه قید اولنه جق افراد بو صنفده ایکی
سنه مدته خدمت ایتکله مجبوردر. بومدتک ختامده ینه
خدمته دوام آرزوسنده بولنانلر برکونه وقوعاتی اولمدینی
جالده بررسنه ده خدمت ایتک اوزره سنه دن سنه یه قیدلری
تمدید اولنور. و خدمتدن چیقمق ایستیانلر سنه یی بعدالاکمال
چیقه بیلورلر. شوقدرکه ژاندارمه صنفه داخل اولدقدن
صکرمه شایان قبول معذرت مشروعه سی اوراق رسمیه ایله
تحقق و یاخود اطباء معرفتیه بالمعاینه معلولیتی تین ایدنلر
ایکی سنه یی اکمال ایتکسزین اخراج اولنور.

سفربرلک حالنده ژاندارمه سلککنده مستخدم بولنان
افراد ردیفه ردیفلر سلاح آلتیه آلدقدقه سلاح آلتیه النور
و مستحفظدن بولنانلری لزوم و امر مخصوص اولمدقجه
ژاندارمه ده ایفا اولنور.

۱۵ — ژاندارمه صنفه آانه جق افرادک شرائط قید
وقبولی بروجه آتی بیان اولنور:

اولا بالعموم ژاندارمه یه آانه جق افرادک سنلری

يکرمی بشدن اکسیک و قرق بشدن زیاده
اولیه جقدر.

ثانیاً عوارض و نواقص بدنیه دن بری و قوی البنیه
اوله جقدر.

ثالثاً مع احتیاط مدت نظامیه سنی اکمال ایتمش
اولان افراد عساکر شاهانه دن طالب اولانلر
آلنه جقدر.

رابعاً ژاندارمه یه آلنه جق افراد ردیفه و یامستحفظه دن
اوقویوب یازمق بیلنلر و مدت ردیفه سنک قسم
اعظمی اکمال ایلیانلر اتخا بده ترجیح اولنور.
اکر بالذات خدمت عسکریه سنی ایضا ایتمش
اولنلردن لزومی قدر افراد بولتماز ایسه بروجه
محرم صفاتی حائز سائر افراد اها لیدن قبول
ایدیلور.

خامساً ژاندارمه یه کیرنلرک خدمت عسکریه لری
ایشانسنده و خدمت عسکریه دن انفکاکلرندن صکره مغل ناموس
و استقامت بر حال و حرکتلری اولدینی جزؤدانلری ایله
کتوره جکلری رسمی شهادتنامه دن اکلاشلملیدر. افراد
اهالیدن آلنه جقلرک دخی اوقویوب یازمسی اولنلر ترجیح
اولنور. و بونلرک دخی شرائط سائره بی حائز اولملری لازم
اولدینی کبی جنحه و جنایت ایله محکوم اولدقلرینه و حسن
حال امحایندن بولندقلرینه دائر یدلرنده حکومت محلیه دن

مصدق برشهادتنامه ده بولنق مشروطدر .

۱۶ — ژاندارمه یه قیدلرینی آرزو ایدنلر بر استدعانا مه
تنظیم ایدرک تحقیقات ابتدائی و نظامیه اجرا اولنق اوزره
آرزو ایتدکلی الای ویا طابور ویاخود بلوک مرکزنده
بولنان ردیف امراسنک الک بیوک رتبه سنده اولانه اعطا
ایلملی و بو استدعانا مه حین حاللرینه و متاهل اولوب
اولدقلرینه دائر حکومت محلیه دن اخذ ایده جککری
شهادتنامه یی ربط ایتلملی لازمدر. ردیف امراسی طرفندن
مستدعی ردیف و مستحفظ سلکنده ایسه جزو دانیه
شهادتنامه سنه و دکل ایسه تذکره عثمانیه سی ایله شهادتنامه سنه
باقیله رق و احوالی تحقیق اوله رق ژاندارمه یه قبوله مانع
اولور برحالی اولدینی تحقق ایتدکن صکره اولاباده کی اوراق
ولایت مرکزنده ایسه والی ولایت و سنجاق مرکزنده
اولدینی حالد متصرف لویه و بلوک مرکزنده کی ردیف امراسی
معرفیه اجرا قلنان تحقیقات اوراق اوقضانک ملحق اولدینی
لوا متصرفلغه تودیع ایدیله جک و بولنر طرفندن دخی اوراق
مبحوئه الای ویا طابور مجلسلرینه حواله اوله جق و مجالس
مذکورده جه اوراق محوله مندرجاتی بالتدقیق موافق نظام
اولدینی تبین ایلدیکی وایجاب ایدر ایسه آروجه تحقیقات
لازمه اجرا اوله رق شرائط مقتضیه یی حائر اولدینی اکلشله دینی
تقدیرده مستدعینک معاینه طیه سی اجرا اولنوب قبولی
متضمن اعلام یازیله رق تکرار والی ویاخود متصرفه بالتقدیم
موجبجه اشارتیه تصدیق اولدقدن صکره مستدعی تحلیف

وقيد ايديله جكدر. طابور قوماندانلری طرفندن هر آيك نهايتی
كونی بر آی ظرفنده قاج نفر قید اولمش ایسه کینه لری ایله
برابر ابراز اولنه جق تذاکر واورا قک خلاصه مألرینی مین
ایکیشر نسخه دفتر تنظیم وافرادی هر قومه نک متأهل واولجه
فوق العاده صورتده برخدمت ابراز ایدرک مکافات و نشانه
نائل اولوب اولدقلرینی دفتر مذکورده درج وترقیم ایله الای
قومانداننه کوندره جکدر. بو دفتر الای مجلسنجه تدقیق
وبا مضبطه تصدیق اولندقدن صکره برر نسخه سی اداره
امینک مسئولیتی تحتده حفظ ایله دیگر نسخهلری الای
قوماندانی طرفندن مرکز ولایت طابورینک دفتری ایله برابر
مقام سرعسکری به تقدیم اولنور. مفتشلر اثباتی تفتیشده آلاي
ویا طابور مجلسلرنجه قید وقبول معامله سنک موافق انظام
اوله رق جریان ایدوب ایتمدیکنی تحقیق وبا تقریر مقام
سرعسکری به اشعار ایدر.

اوجنجی قسم

تبدیل موقع

۱۷ — بالجه ژاندارمه امراسی وضابطانی کندیلرینه
ویرلش اولان مأموریت فرمانلرنده و بیورلدیلرنده کوستریلان
موقعلرده وافرادی تعیین اولندقلری موقعلرده اقامته
مجبوردر. بونلرک تبدیل موقع ایتمسی ماده آئیده محررقاعده به
کوره ویرله جک امر مخصوص ایله اولور.

۱۸ — معاملات انضباطینه نک تأمین مقصدینه ویا خود

وقوع بوله‌جق بجایش مستدعیاتنه منی ژاندارمه ضابطاننك
الای داخنده تبدیلی وكرك دیگر الایه نقلی لازم كلدیکی
حاله اسباب موجهه‌سك درجیله طرف ولایتدن وقوع
بوله‌جق اشعار اوزرینه مقام سرعسكرینك امریله وامرانك
تبدیل موقعی دخی اراده سنیة حضرت پادشاهی ایله
اجرا ایدیلور.

الای ویاخود طابور قوماندانلری ژاندارمه سلكنه داخل
اولان نفراتی قره غوللره تقسیم ایدر. ژاندارمه امرا وضابطاننك
مسقطرأسلری اولان قرا و قصباته مأمور ایدملری جائدكلدر.
ژاندارمه افرادندن بری برالایده ایکی سه خدمت ایلدیکی
حاله رسماً تحقق ایده‌جك معذرت مشروعه‌سه بناءً دیگر
الایه نقل ایدیلور. شوقدركه نقل اولنه‌جفی الایده منحل
اولق مشروطدر.

۱۹ — مقام سرعسكرینك امری اولمدقجه الای
قوماندانلری یکی بر موقع تعیین وفضله ژاندارمه استخدام
ایده‌مزلر.

دردنجی قسم

اذن واستعفا و آجیفه اخراج و ترقین قید

۲۰ — ژاندارمه افرادینه كرك صله وكرك تبدیل هوا
ایتمك اوزره رخصت اعطا ایتمك ومدت مأذونیتلریه
تمدید ایلك معامله‌سی اصول ونظام عسکری‌یه توفیقاً اجره
اولنور.

۲۱ — ژاندارمه نفرات و اوئب-اشی و چاوشلرینک مجبوری اولان مدت خدمتی اکمال ایتدکجه استغفاری قبول اولماز. فقط خدمت نظامیه ده مستخدم افراد عسا کر شاهانه نك خدمتدن عفو لرینی مستلزم اولان اعذار مشروعه دن بر عذر اوزرینه استغفا ایدنلرک استغفاری تحققی معذرت شرطیه قبول اولنور. بوسورتله معذور اولان ژاندارمه نفر و اوئب-اشی و چاوشلری استغفانامه لرینی مرکز ولایتده والیه و سنجاقلرده متصرفلره اعطا ایدوب انلر طرفلرندن الای و یا طابور مجلسلرینه بالحواله مجالس مجعونه طرفندن اسباب استغفا تحقیق و بامضبطه تصدیق اولنورق قید معامله سنده اولدینی کبی موجبجه امری استحصال ایدلدکدن صکره قیدلری ترقین اولنور و تحققی ایدیه جک معذرت کیفیتی بهر ماه کوندریله جک وقوعات دفترلرنده مختصراً کوستریلور. ضابطانک استغفانامه لری طرف ولایتدن مقام سرعسکری به تقدیم ایدیلور .

ژاندارمه امرا و ضابطانک استغفاری و استغفانامه لرینک قبولی معاملاتی عسا کر نظامیه ضابطانی مستغفاری حقنده اولان نظام و قانونه تابعدر .

۲۲ — یکریمی برنجی ماده ده کوسترلیدیکی اوزره معذرت مشروعه اوزرینه اخراجی استدعا ایدن ژاندارمه نفر و اوئب-اشی و کوچک ضابطلرک معذرتلری مقبول اولدینی حالده ژاندارمه ده صورت و مدت استخدا ملرینی وهانکی معذرت اوزرینه ژاندارمه دن اخراج اولندقلرینی مین تذکره مخصوصه اعطا قله جنی کبی ضابطاندن استغفا ایدنلره دخی

استمفاه اخراج اولندقلرینه دائر مقام سر عسکریدن تذکره اعطا قلنه جقدر .

معذرت مشروعه وموقته ایله ژاندارمه دن چیقاریلان سرچاوش وچاوش و بلوک امینی و اونباشی و نفرات تکرار ژاندارمه صنفنه کیرمک ایستدکلری حالده قبول شرائطی حائر بولندقلری تقدیرده انحل وقوع بولدقجه اول باول صره سیله ورتبه لرینک مخصوصاتی اعطا ایدلمک اوزره اووقته قدر رتبه لرینک اعتباریله فقط نفرلک مخصوصاتیه قبول اولنورلر .
۲۳ — مدت استخدامیه اولان ایکی سنه یی ا کمال ایدوبده

اخراجی طلب ایدن ژاندارمه افرادینه ژاندارمه ده ایتیش اولدینی خدماتی مین ولایت مرکز لرنده الای والویه ده طابور مجلسلری طرفندن بریقای خدمت تذکره سی ویریلور .
۲۴ — کرک استعفا ایدن و کرک ایقای خدمت ایدوب چیقاجق اولان ژاندارمه عسکری اخراج معامله سی ختام بولوبده کندیلرینه تبلیغ اولدینی تاریخه قدر خدمت لیرینی کاکان ایفا و تخصیصات لیرینی اخذ ایدرلر .

۲۵ — ژاندارمه امرا و ضابطان و افرادینک جرملری وقوعنده محاکمه و مجازاتلری عساکر شاهانه امرا و ضابطان و افرادی حقلرنده جاری اصوله توفیقاً اجرا اولنور . فقط قانوناً طردی مستلزم اولان افعالدن ماعدا ادب سزلکی عادت ایدنمک و خدمتده ویا اطاعت عسکریه ده بیوک قصور کوسترمک کبی ناموس و اطاعته طوقونور صورتده اولوبده ژاندارمه صنفنده بقالری جائز اوله میان کوچک ضابط و اونباشی

و نفرائك ترتب ايدم چك جزائك اجرا سيله برابر زاندارمه صنفندن
قيدى ترقين اولنور. ترقين قيد معامله سى ديوان حربلك قرارينه
و مقام سرعسكرى محاكات دائره سنك تصديقنه متوقفدر. بوضورتله
قيدى ترقين اولنش افراد بردها زاندارمه صنفنه قبول اولتماز.

۲۶ — زاندارمه امرا و ضابطانى ايله ايفاي خدمت
ائناسنده معلول اولان و يا خود وفات ايدن كوچك ضابطان
واو نباشى و نفرلرينك تقاعدلى و ايتام و اراملنه معاش تخصيصى
عسكرى تقاعد و ايتام و ارامل قانونلرينه توفيقاً اجرا ايديلور.
او توزه خدمت ايليان زاندارمه امرا و ضابطاننك و بلافاصله
اون بش سه خدمت ايدن زاندارمه كوچك ضابط و او نباشى
و نفرلرينك قدماً تقاعدى اجرا اولنور.

۲۷ — افراددن خدمت ايچنده سقط اولانلرك درجات
معلولىتي تعيين و اكا كوره تقاعد معاشلى تخصيصى اولنق اوزره
سقطلى و معلوليتلرينى متضمن زيرى مضبطه لى ايكي نسخه
ژورنال تنظيم و محييه مأمورى طرفندن تصديق اولنوب بر
نسخه سى مقام سرعسكرى به تقديم و ديكر نسخه سى الاى
اوراقى مياننده حفظ اولنور.

ايكنجى فصل

ترفيه رتبه

برنجى قسم

كوچك ضابطان و او نباشى و نفرائك

ترفيه رتبه لرى

۲۸ — باش چاوش و چاوش و بلوك امينى و او نباشيلرك

قدم واهلیتلی تین ایلدیکی وبولندقلری طابور دائره سنده منحل وقوعی تقدیرده رتبه لری ترفیع اولنور.

۲۹ — اونباشی اوله جق نفرات ژاندارمه صنفده لاقل اون ایکی آی نفرک خدمتده بولنش اولمیدر. عساکر نظامیه ده الای چاوشلی وباش چاوشلق خدمتی ایفا ایتش بولنانلردن ژاندارمه صنفه داخل اولانلر چاوشلق وظیفه سیله فقط منحل وقوعنه قدر نفرک مخصصاتیه و نظامیه چاوشلرندن او قویوب یازمه سی اولانلر دخی اول باول منحل وقوعنده چاوشلقه نصب ایدمک اوزره نفرک مخصصاتیه و او قویوب یازمه سی اولیان نظامیه چاوشلری ایسه نفرلکله قید اولنوب منحل وقوعنده ایکی بولنلردن و بر سائر ژاندارمه افرادندن اولق اوزره اونباشی نصب اولنور.

۳۰ — لاقل اون آلی آی اونباشلیق خدمتده استخدام اولنانلر منحل وقوعنده اولکی ماده ده بیان اولنان اصوله توفیقاً چاوش نصب اولنور. ژاندارمه نفراتیندن بر سه خدمتی مسبوق بولنانلر ایله اونباشیلردن او قویوب یازمه سی و بالامتحان اهلیتی نمایان اولانلر بلوک امینی نصب ایدیور.

۳۱ — او قویوب یازمه سی اولان چاوشلر ایله بلوک امینلکنده اون الی آی استخدام اولنانلر شرائط مطلوبه کندیلرنده تماماً موجود ایسه باش چاوش نصب اولنور. اونباشی و بلوک امینی و چاوش و باش چاوشلرک مر انتخابنده قدمیلر میاننده اشبو نظامیه ده معین اولان وظیفه لرندن بالامتحان اهلیتی تین ایدنلردن حسن اخلاق امینلر بولنانلر

ترجیح اولنور. اونباشی و بلوک آمینی و چاوش و باش چاوشلرک
طابور مجالسندن تنظیم اولنه جق مضبطه مندرجاتی الای
مجالسجه مالتدقیق موافق نظام اولدینی بامضبطه تصدیق
اولندقدن صکره الای قوماندانی طرفندن مأموریتلری اجرا
ایدیلور والویه غیر ملحقه طابور لرلنده دخی کذلک طابور
مجلسندن تنظیم اولنه جق مضبطه اوزرینه طابور قوماندانی
طرفندن اجرا اولنور.

ایکنجی قسم

امرا و ضابطانک ترفیع رتبه لری

۳۲ — چاوش و باش چاوشلرک ملازم ثانی و ملازم
ثانیلرک ملازم اول و ملازم اوللرک بلوک قوماندانی اولملری
کندی الایلری داخلنده و بلوک قوماندانلری و طابور کاتب لری
و اداره امینلری ایله طابور قوماندانلرینک ترفیع لری عموم
ژاندارمه الایلری میانده دوران ایدم جکدر.

۳۳ — ژاندارمه صنفنده منحل اولان ملازم ثانیلرکله
اول امرده نظامیه ده باش چاوش و چاوشلق رتبه سنی
احراز ایدوب ژاندارمه ده باش چاوش و یا چاوش اولمش
اولان و اوقور یازار بولنانلردن و درجه ثانیه ده ایسه خدمت
نظامیه ده بولنان اوقور یازار باش چاوشلردن و درجه ثالثه ده
ژاندارمه صنفنده نفر لکدن باش چاوش و چاوشلغه ارتقا ایتمش
و اوقور یازار بولنمش اولانلردن حسن اخلاق و قدم و اهلیت
نظر اعتباره الهرق انتخاب و نصب ایدیلور. منحل اولان
ملازم اوللرکله ژاندارمه ملازم ثانی و بلوک قوماندانلقرینه

ملازم اولارینک عساکر نظامیه ترفیع رتبه نظامنامه سنده معین اولان ترفیع رتبه مدت استحقاقیه سنی بتورمش اولانلردن تعیین اولنور. ژاندارمه ضابطاننک امر انتخابنده اشبو نظامنامه ایله تعیین ایدیلان وظیفه لرندن بالامتحان لیاقتی تحقیق ایدنلر میاننده قدملی وحسن خلق وسیرت اصحابندن اولانلر ترجیح ایدیلوب بونلرک اوقوبوب یازمه بیلملری مشروطدر. امتحان و انتخاب مضبطه لری ولایاتده الای مجلسنده والویه غیر ملحقده طابور مجلسنده عساکر نظامیه ویا ردیفه امراسندن بر ذات دخی داخل اولدینی حالده اجرا وتنظیم ومحلی مجلس اداره سندن واوراده بولنان اک بیوک رتبه لی عساکر نظامیه ویا ردیفه امراسی طرفندن دخی تدقیق وتصدیق اولندقدن صکره ولایاتده مقام ولایتدن والویه غیر ملحقده متصرفلق طرفندن بانها مقام سرعسکری یه ارسال اولنور.

ژاندارمه صنفنده ملازم اوللکه وبلوک وطابور والای قوماندانلقرینه کerk نظامیه دن آلنان وکرك ژاندارمه دن نشأت ایدن ضابطان میاننده اوصاف مطلوبیه یی حائز اولنلردن انتخاب اولنلق اصولاً لازم کلور ایسه ده عندالایحجاب مذکور قوماندانلقره نظامیه ملازم ثانی وملازم اول وقول اغاسی وقائمقاملرندن نظامیه یه اولان ارباطلری باقی قالمق اوژره رتبه حالیه لرله وفقط ژاندارمه مأموریت معاشریله تعیین ایدیله . بیلور. اشبو ضابطان وامرانک صنف نظامیه ده اولان قدملرینه خلل کلیه جکی کبی ترفیع صرهمسی کندیلرینه انتقال ایلدیکی حالده ترفیعاً صنف اصلیلرینه اعاده اولنورلر. عساکر نظامیه وردیفه

ضابطانندن بروجہ بالا موقتاً ژاندارمہ یہ تعیین اولئانلر ژاندارمہ ده استخدام اولئہ جقلری رتبہ نك دكل نظامیہ ده کی رتبہ لرینك علامت فارقه سنی طاقه جقلر و صنف اصلیسنه مخصوص البسہ بی محافظہ ایلیہ جکلر در.

۳۴ — عساكر نظامیہ وردیفہ ضابطانندن اولوب موقتاً ژاندارمہ ده مستخدم بولندی فی حالده تقاعدی اجرا اولئانلر ك تقاعد لریلہ بولردن وفات ایدنلر ك ایتام واراملنه معاش تخصیصی نظامیہ ده ویا ردیفده حائر اولدقلری رتبہ لری اعتباریلہ اجرا اولئہ جقلر. ژاندارمہ صنفك ضابطلکلرینہ مواد سابقہ ده کوسترلدیکی اوزره یا ایچلرندن ویا عساكر نظامیہ ده مستخدم ضابطانندن نقل صورتیلہ تعیین اولئوب بولر ك خارجنده هیچ برکیمسه دفعه ضابطلك ایله ژاندارمہ صنفه آله ماز.

بلوك قوماندانلرینہ و طابور کانبلرینہ قدر اولان ضابطانك تصدیق رتبہ لرینی متضمن مقام سر عسکریدن بالاسنیدان شرفصدور بیوریلہ جق اراده سنیه حضرت پادشاهی موجبجه بیورلدی و اداره امینلریله طابور والای قوماندانلرینہ علی الاصول امر عالی اعطا قننور. نظامیہ ضابطانندن ژاندارمہ ده موقتاً استخدام اولئانلره مأموریتلرینی متضمن ژاندارمہ دائره سندن علم و خبر ویریلور.


۳۵ — ژاندارمہ طابور کاتبلکنه اشبو نظامنامه ده طابور کتابتنه عائد و معین وظائف ایله عسکری اداره نظامنامه سندن امتحانی اجرا اولئہ رق اثبات اهلیت ایلیان بلوك

امینی و چاوش و باش چاوش و ملازم مردن نصب اولنور. منحل اداره امینک محلری بالامتحان اثبات لیاقت ایدن ژاندارمه طابور قاتبلرینه مختصدر. نظامیه و یا ژاندارمه صنف حربندن نشئت ایتش طابور کاتبلری بلوک قوماندانلغنه و اداره امینلری طابور قوماندانلغنه بالامتحان انتخاب اولنه بیلور. فقط بونک ایچون کندیلرینک صنف کتابته کچدکلری رتبه لر ایله صنف حریده نقل ایده جکلری رتبه لر بیننده کی مراتبه استحقاق ایچون نظاماً لازم کلان مدتلری اکمال ایتش اولملری شرطدر.

۳۶ — اداره امینلری و طابور قوماندانلری ایله ده یوقاری رتبه ده بولنان امرانک ترفیع رتبه لری قدملرینه و تحقیق ایده جک اولان درجه اهلیت و اقتدارلرینه و سجل احوال لرینه کوره اصولی دائره سنده مقام سرعسکریجه بالاستیدان شرفتملق بیوریه جق اراده سیه جناب پادشاهی ایله انتخابی اجرا اولنور.

۳۷ — مواد سابقه ده ذکر سی سبق ایدن قواعددن ماعدا عساکر نظامیه ترفیع رتبه قانوننامه سنک بالجمله احکامی ژاندارمه صنفی حقنده مرعیدر.

۳۸ — ژاندارمه ضابطان و افرادندن فوق العاده جسارت و ابراز صداقت ایدنلرک کیفیت خدمتلری مکافات نظامنامه سی موجبجه مقام سرعسکری به اشعار و اوراجه اصولاً ایجابی اجرا اولنور.



ایکنجی باب

ژاندارمه نك نظارتلره قارشو اولان وظائفي ومامورين
دولتله مناسباتي

برنجی فصل

ژاندارمه نك دائره عسكريه ايله سائر نظارتلره قارشو
اولان وظائفي

برنجی قسم

جهت عسكريه قارشو اولان وظائف .

۳۹ — ژاندارمه نك ترتيباتي و قومانداسي ووظائف
وخدماتنك نظامي اوزره جرياني وژاندارمه به آله حق افرادك
قبول وقيدي وترفيع رتبه سي و حكومت محليه ايله بالاتفاق
اقامتگاهلرينك تبديلي و امتحاناتنك تدقيق و آجيغه چيقارلمسي
ويا خود بستون بستون اخراجي و تقاعدلرينك و سائر كونا
مكافاتلرينك و مستحق جزا اولار حقتده مجازات اجراسي
ونظام وانتظام داخليلري و تربيه عسكريه لري و مفرزه لرينك
ضبط وربطي و تجهيزات و تدارك ملبوساتي و ژاندارمه قره غو-
للري موقعلرينك محللري ايله بالمخابره تعييني و تسويه معاشات
و تعييناتي و خدمت ائنانده تلف اولان حيوانلرك بهاسنك
اعطاسي و قشله و قره غولخانه لر تعميرات و انشا آتي و استيجار
اولان محللر اجرتنك و مصارف بسايرهنك تسويه سي و عموم
ا-اره و محاسباتنك تدقيق و بودجه سنك تنظيمي و تفتيش

عمومی لرینک اجرایی و ضابطانندن مأمور لر تمینی ایله مواقعک یوقلادلسی و الحاصل هر بر امور عسکریه و اداره سی مقام سر عسکری ژاندارمه دائره سنه عائددر.

۴۰ — ژاندارمه لر در دست ایده جککری عسکر فراریلری ایله بقایانی ژورناللریله برابر بولندقلری دائره نک عسکری قومانداننه ویررلر.

۴۱ — اوتوز طقوزنجی ماده ده بیان اولنان حصو صاتدن طولایی و لابانده الای والویه غیر ملحقه ده طابور قوماندانلری مقام سر عسکری ایله مخبره ایدرلر.

ایکنجی قسم

جهت ملکیه و عدلیه به قارشو اولان وظائف

۴۲ — محافظه آسایش و امنیت و نظام و انتظامک وقایه سی و قوانین و نظامات موضوعه احکامک اجراسنه عائد وظائف ایچون لزومی اولان اوامر مخصوصه ژاندارمه به جهت ملکیه دن اعطا اولنور.

آسایش عمومی نک وقایه سی و حقوق سلطنت سنیه نک محفوظیت امنیت ایجاب ایدن اوامر ایله فوق العاده بر حال ظهورنده ژاندارمه نک صورت استخدای حقنده ویریه جک اوامر دخی جهت ملکیه دن اعطا اولنور.

۴۳ — ژاندارمه صابطانی طرفدن ضابطه عدلیه مأموری صفتیه و اصول محاکمات جزائییه قانون موقتی احکامنه توفیقاً کک جرائم مشهودیه دائر و کک احاله وظیفه طریقیه اجرا اولنان معاملات تحقیقیه و اخذ و ککرت و جلب و احضاره متعلق خدماتک نظارتی جهت عدلیه به عائددر.

ایکنجی فصل

ژاندارمه نك مأمورین محلیه ایله اولان مناسباتی

برنجی قسم

تنبیات عمومی

۴۴ — ژاندارمه نك حرکات واجرا آتیه دائر امر اعطاسنه صلاحیتی اولان امور ملکیه وعدلیه مأمورلری ژاندارمه قومانداننه وضابطاننه امر ویررلر. وقایع جسیمه ومهمیه دائر ویرله جك اوامر تحریراً تبلیغ اولنور .

۴۵ — ژاندارمه نك وظائف اصلیه سی خارجنده استخدامی قطعاً ممنوعدره. ژاندارمه افرادی کرک عسکری وکرک ملکیه مأمورلرینک اوراق رسمیه وغیر رسمیه سنی کتیروب کتورمک ایچون طلب واستخدام اولنه ماز. فقط تأخیری دولتجه مضرتی موجب اوله جق و دیگر صورته کوندرلمسی دخی ممکن اوله میه جق اولان اوراق رسمیه مستتاً اوله رق ژاندارمه افرادیله کوندریله بیلور .

۴۶ — ژاندارمه آسایش عمومی بی اخلال ایدر خصوصاته وحریق وصوطفیانی وخسته لق مثللو آفاته دائر الدقلری کافه معلوماتی بلاامهال ایجاب ایدن ملکیه مأمورلرینه وکندی مافوقلرینه بیلدیررلر. خصوصات مهمه وفوق العاده بوندن ماعدا ولایتده باتلغراف معلومات اعطا ایدرلر. ملکیه مأمور- لری دخی او مثللو مواد اوزرینه ژاندارمه نك ایفایده جکی

خدمتک حسن جریانه مدار اوله جق هر بر طلب و معلوماتی
تحریر آفشانک و یا خود موقعک ژاندارمه قوماندانه تبلیغ ایدره.
۴۷ — بر وقعه نک تقریرنی ویرن ژاندارمه ضابطه
و یا کوچک ضابطی اول وقعه اوزرینه اجرا اولسان تدابیر
و معاملاتک نتایجنی دخی عقبنده پیدرپی بیلدیرر.

۴۸ — ولایت و سنجاق مرکز لرنده بولنان حکام و نواب
شرع ایله محاکم نظامیه رئیس لری و استیناف و بدایت مدعی
عمومیلری و ظائف مأموریت لرندن طولای مذاکره ایتمکه
مجبوریت کوردکلری زمان سنجاق ژاندارمه قوماندانی جلب
و دعوت ایدم بیلور لر. قضایر ده بولنان حکام و نواب شرع ایله
محاکم نظامیه نک رئیس لری و مدعی عمومیلری و قضاده
مخصوص مدعی عمومی یوق ایسه مدعی عمومی وظیفه سنی
ایضا ایدن مأمور قضا ژاندارمه قوماندانلرینی لزومی تقدیرنده
تحریر آ جلب و دعوت ایدم بیلور لر.

ایکنجی قسم

عدلیه مأمور لر لیه ژاندارمه نک مخبرات و مناسباتی

۴۹ — ژاندارمه الای و طابور قوماندانلری تعقیبات
عدلیه بی اسب التزام ایدم جک بالجمله و قوعاتی در عقب محاکم
عدلیه، بدایت و یا استیناف مدعی عمومیلرینه و یا معاونلرینه
باتقریر خبر ویرر لر. ژاندارمه باوک قوماندانلری دخی بالاده
بیان اولنان و قوعاتی بولند کلری قضاده واقع عدلیه دائره و محکمه
لرینک مدعی عمومیلرینه و یا معاونلرینه و یا قضاده کی محکمه زردنده

مخصوص مدعی عمومی بوقایسه مدعی عمومی وظیفه سنی ایفاییدن
مأموره خبر ویررلر. وقوعات اولمدجه تقریر اعطاسی لازم کلز.

۵۰ — محاکم جزائیة طرفندن ویریلان جلب واحضار
وموقت وغیر موقت توقیف مذکره لری وحکمی حاوی
اعلاملر ژاندارمه افرادی معرفتیه مظنون علیه اولانه تبلیغ
اولنه جنی کبی جلبلری دخی مذکور ژاندارمه لر معرفتیه
اجرا اولنور.

۵۱ — حقوق وتجارت محکمه لری طرفندن ویریلان
جلبنامه لری تبلیغی محکمه خدمه سنک وسائر ملکیه مأمورلرینک
جمله وظائفندن اولوب ژاندارمه افرادی بو خدمت لردده استخدام
اولنمازلر. انحق احوال مستعجله وفوق العاده خدمه ویاسائر
مأمورلر بولندینی صورتده محاکم مزبورده طرفندن جلب اولنان
اشخاصک جلبه مخصوص اولان پوسله لر ژاندارمه ایله
کوندریله بیلور.

۵۲ — محاکم عدلیه نیک جنایانه دائرویره جکلری اعلاماتک
موقع اجرایه قونیه جنی زمانلرده ژاندارمه دن طلب اولنه حق
خدمات نظام وآسایشک حفظی وهر نوع فسادک تسکین ومنی
وخدمت لری نی ایفاده بولنان مأمورلرک حمایه ومحافظه سی
ماده لریدر. ارباب جنایاتی محفوظاً محکمه یه کتورمک واثنتی
حاکمه ده کړک داخل محکمه وکړک خارجده انتظام وامینیتی
ادامه ایلک ایچون محکمه رئیس لری مجرد وظائف مذکوریه
ایضا ایلک اوزره ژاندارمه قوماند نلرندن ایجاب ایدن
ژاندارمه بی طلب ایلر. بولرائنای حاکمه ده رئیس محکمه نیک
امرینه تابعدر.

۵۳ — غیاباً محکوم اولان مجرمینک تحریری و کرفتی
ژاندارمه‌نک وظائفنددر .

اوجنجی قسم

ملکیه مأمورلریله ژاندارمه‌نک مخبرات و مناسباتی

۵۴ — ژاندارمه‌الای قوماندانی هر درلو وقوعات
مهمه‌نی و اولبایده‌اتخاذ اولنان تدابیری همان باتقریر بیلدیرمه
مجبور اولدینی کبی بالجله ژاندارمه ضابطانی دخی بومثللو وقایع
و تدابیری محلی مأمورین ملکیه‌سنگ اک بیوکنه و آمرینه همان
معلومات ویرمکله مکلفدر .

۵۵ — والی و متصرف و قائم‌قاملر و مدیرلرک محافظه
آسایشه عائد ویره‌جکلری اوامری ژاندارمه امرا و ضابطان
و افرادی انفاذه مجبور اولوب انحق لزومنی حس ایلدکلری
حاله‌تحریری امر طلب ایده‌بیلورلر .

۵۶ — محافظه انضباط و آسایش ایچون والی و یا متصرفلر
و قائم‌مقام و مدیرلرک اتخاذینی تحریراً امر ایده‌جکلری تدابیرک
مناسب اولوب اولمدیقنک تدقیقنه ژاندارمه امرا و ضابطانی
هاذون اولدقلری کبی مأمورین ملکیه دخی اتخاذینی امر
ایتدکلری تدابیردن طولای امرا و ضابطان مومی‌الیه‌مک
اجرا ایده‌جکی معاملاته مداخله ایتزلر. انحق اسرک اعطاسنی
متعاقب اجرا اولنان حرکاتک باتقریر کندولرینه بیلدیرلسنی
ژاندارمه ضابطلرندن طلب ایده‌بیلورلر .

۵۷ — اصول محاکمات جزائیه قانون موقتک اونجی ماده سی احکامنه توفیقاً جنایت وجنحه وقباحته متعلق افعالک ثبوتنه مدار اوله جق معاملاتہ دائر ضابطہ عدلیہ مأموری صفتی ایله والی ومتصرف وقائم مقام لر طرفندن ژاندارمه ضابطانہ ویریله جک امرلری ضابطان مومی الیهم کندی تحت قوماندالرنده بولنان دائره لرده اجرا ایدرلر.

۵۸ — پولیس مأمورلری کندی خدمت لرینک اجرایی اثناسنده اشبو قانونک قرق دردنجی ماده سی ایله متعاقبی ماده لره توفیقاً طلب ایتدک لری حالده ژاندارمه لر طرفندن معاونت لازمه اجرا اولنه جقدر.

۵۹ — ژاندارمه لر ژاندارمه یه عائد خدمت لرینی ژاندارمه یه مخصوص البسه ایله ایفا ایدم جکدر.

دردنجی قسم

ژاندارمه نک عسکری مأمورلریله اولان مناسباتی

۶۰ — ژاندارمه صنوف عسکریه دن معدود بولندقلری جهتله عساکر نظامیه ده بولنان کندی مافوقلری حقننده نظاماً موضوع اولان رسم سلام واحترامی ایفا ایدرلر. انجق ژاندارمه لر اداره عرفیه حالنک غیری زمانلرده بولندقلری محله کی عساکر موقعیه نک بر قسمی نظریله باقیله مازو عساکر نظامیه قوماندانلری طرفندن ژاندارمه لر کندی وظیفه لرینه عائد اولیان خصوصات ایچون جمع وسوق ایدیله مز.

۶۱ — ژاندارمه الای قوماندانلری افراد عسکریه

طرفندن مستقلاً اجتسار اولنان و مشترکاً ایقاع ایدلدیکر
شبهه ایدیلان جرایمی و افراد عسکریه میاننده و یا خود افراد
عسکریه ایله اهالی بیننده و قوع بولان منازعه و یا خود افراد
عسکریه طرفندن آحاد ناس حقنده ناموسی اخلال ایدر
صورتده و قوع بولان حرکاتی عسا کر مرقومه نك منسوب
اولدقلری عسکری قوماندانه باتقریر بیلدیرلر .

۶۲ — قلاع خاقانی ایله مواقع مستحکمه ده کی عسکری
قره غوللرینك امنیته خلل ویره بيله جك و قوعاتی ژاندارمه
ضابطانی قلعه و مواقع مذکوره قوماندانه بیلدیرلر .

۶۳ — ژاندارمه ضابطان و چاوش و اونباشیلری عسا کر
احتیاطیه ایله ردیف و مستحفظلری جلب و جمع ایچون
مأمورین ملکیه طرفندن آله جقلری امرلری در حال اجرایه
مجبور و بوبابده تأخر و قوعنده شدیداً مسئولدرلر و ایجابنده
فرقه ولوا قوماندانلری وردیف ضابطانی ایله مخبره ایدرلر .

۶۴ — ژاندارمه کندیلرینه عائد وظائفك ایفا سنده
موجود ژاندارمه قوتنك کفایت ایتیوبده معاونت عسکریه یه
لزوم کورولدیکی حالدده اصولی دائره سنده معاونت عسکریه
طلب اولنقی اوزره ژاندارمه ضابطانی در حال والی و متصرف
و یا خود قائممقاملره باتقریر اخبار ایدرلر. ژاندارمه ضابطانی
بوبابده ویره جکلری تقریرلرده اجرایی امر اولنان ایشی
و طلب ایلدکلری عسکرک مقداریله معاونتک اسباب موجب سنی
بیان ایدرلر.

۶۵ — وقوعات مهمه ومستعجله ظهورنده ژاندارمه ضابطان و کوچک ضابطانی طوغریدن طوغری به او موقعده بولنان نظامیه ضابطنه مراجعت ابله معاونت طلب ایدم بیلور. فقط الشمس دردنجی ماده نك فقره اخیره سی موجبنجه اسباب موجب سنك بیانیه برابر تحریراً مراجعت اولنق لازمدر.

۶۶ — ژاندارمه به متعاق خدماتده صورت مشترکده اوله رق بر فرزه نظامیه دخی استخدام اولدینی زمان عمومی قوماندا عساکر نظامیه ضابطنده واکر ژاندارمه ضابطی نظامیه ضابطانیدن ایسه عموم قوماندا هر ایکی ضابطدن رتبه جه بیوک اولانده بولنور. انحق خدمتک صورت اجرا سنه دائر ژاندارمه ضابطنک تحریراً ویره جکی تقریره نظامیه ضابطی ایشال ایتکه مجبوردر. مسئولیت تقریری ویرن ژاندارمه ضابطه عا ئدا اولور.

اوچنجی باب

مر رتبه عائد وظائف

برنجی فصل

رتب مختلفه بولنان ضابطانك وظائفی

برنجی قسم

الای قوماندانلری

۶۷ — ژاندارمه الای قوماندانلری الایه منسوبه
طابورلرک خدمات عمومیه سنه و اداره و محاسبه سنه مأمور
اولوب ولایت داخلنده کی ژاندارمه خدماتنک حسن جریاندن
مسئولدر.

۶۸ — خدماتک مفردات و تفرعاتی طابور قوماندانلرینک
وظیفه سیدر. الای قوماندانلری ژاندارمه نك تكاسلر
و مساجهلرینی و مغایر قانون افعال و حرکاتنی استماع و مشاهده
ایتدکلرنده و ژاندارمه دن شکایت اولندقدمه تحقیقات مقتضیه یی
بالایفاقانوناً لازم کلان معامله یی اجرا ایدرلر .

۶۹ — قوانین و نظامات و تعلیمات و قرارنامه و امرنامه لر
احکامنک حسن اجرایی ایچون اقتضا ایدن اوامر الای
قوماندانلری طرفدن با تحریرات طابور قوماندانلرینه بیان
ایدیلور .

۷۰ — ژاندارمه الای قوماندانلری سنه ده بر کرم
ووالی ولایت ایله بالاتفاق تعیین اولنان و قتلرده دورم

چيقه رق تحت قوماندالرنده كي كافه افرادي مستخدم بولند قلري محللرده يوقلمه ايدرلر. سوي يوقلمه دن بشقه اوله رق تكليل واهال وياسوه استعمال وقوعني حس ايلديكي ويا مهم بروقه ظهور ايتديكي حالده تكليل واهال وسوه استعمال وياوقعه هانكي موقعده ايسه محل وقعه به عزيمت ايدرلر .

۷۱ — يوقلمه انساننده الای قوماندانلری ژاندارمه نك وظائفني لايقي ايله احرا ايدوب ايتديكني وهر رتبه ده اولان ژاندارمه لرك ابراز مانر غيرت و صداقت ايلوب ايلمديكني وبولند قلري محللرده حسن اطوار و اخلاق كوستروب كوسترمديكني و سلك جليل عسكرينك هر حالده شرفني محافظه ايدوب ايتدكلريني ايجاب ايدن مأمورلردن وسائر دن تحقيق ايدرلر. الای قوماندانلری افرادي دقتله يوقلمه ايدوب كرك ضابطان وكرك نفراتك وظيفه لريني بيلوب بيلمكلريني واشبو ژاندارمه وظائفني ايفا ايدم بياملك ايجون معلومات لازمه يي حائر اولوب اولمديقلريني وحيواناته ابي باقيلوب باقيلمديغني وهوز مبايعه اولنان حيوانلرك شرائطه موافق اولوب اولمديغني وژاندارمه لرك وظيفه اصليه لرينك خارجنده استخدام اولنوب اولمديقلريني تحقيق ايدرلر والبسه واکر طاقلريني واسلحه ولوازمات واشياي سائره يي دخي معاینه ايدوب نمونه لره موافق اولوب اولمديغني واقتضا ايتدكجه تعمير وتجديد اولنوب اولمديغني وطابور وبلوك وقره غوللرك حسابلری وهر نوع امور تحريه نك يولنده ونظامی دائره سنده جريان ايدوب ايتديكني تحقيق ايدرلر .

الای قوماندانلری ژاندارمه قره غوللرینک طویلاندقلری
زمانلرده وظائف و خدماتک حسن ایفا سنه غیرت ایدلمسنى
و خدماتک وضبط و ربط قواعدینک تماميله اجرا اولمى
ژاندارمه افرادینه تنبيه و اخطار ایدرلر و حسن احوالی
کورینانلری و اقرانه فائق صورته اجرای وظیفه ایدنلری
تحسین و تقدیر ایله دفتر مخصوصه قیدایتدیررلر.

شکایت اولان افرادی دخی تکدیر ایدوب قباحتلری
بولان ضابطان و کوچک ضابطان و نفراک مجازاتی قانون
دائرة سنده امر و اجرا ایدرلر.

۷۲ — الای قوماندانلری نفراک تعییناتی و حیوانلرک
یملرینی ماینه ایدوب بر متمدده محول اولدینی حالده
قونطورا تولرینی تدقیق ایدرلر.

۷۳ — الای قوماندانلری ضابطان و کوچک ضابطان
و نفراک سلاح تعلیمی و اسلحه نک تطهیری اصولی و ژاندارمه یه
عائد قوانینک لایق ایله تفهیم و تدریس اولسوب اولمدیغی
دخی تحقیق ایدوب اشبو خصوصاتک ترقیاته خدمت
ایتمش بولسانلری و تکاسل ایدنلری دفتر مخصوصه قید
ایدرلر.

۷۴ — الای قوماندانلری قشله و قره غولخانه لره عائد
هر نوع احوالی تحقیق و لزومی اولان تعمیرات و اصلاحات
ایچون اقتضا ایدن محله مراجعت ایدرلر. ژاندارمه قره غوللرینک
اقامتگاه مخصوصی اولمدیغی محللرده انلر ایچون مناسب محل
تدارک ایله یرلشدیرلملری ایچون حکومت محلیه ایله مخابره

ایلر و بوباده کی ملاحظاتی مقام سرعسکری به بیلدیررلر .

۷۵ — هر اوج آیده بر کره آلائی قوماندانلری معیتلرنده بولان آلایک ضابطان و کوچک ضابطان و نفراتی حقنده صلاحیتلری داخلنده ترتیب واجرا اولان مجازاتک خلاصه سنی مین بردفتر تنظیم و مقام سرعسکری به ارسال ایلرلر .

۷۶ — الای قوماندانلری زیرده بیان اولان دفترلری طوتارلر :

۱ زاندارمه خدماتنه دائر کندی طرفلرندن ویریلان اوامر یومیه ایله زاندارمه خدماتنه دائر محررات عمومیه و تقریرلرک دفتری .

۲ نظارتلردن و مأورین عسکریه طرفدن کلان اوامرک فهرست دفتری .

۳ حکم و تصدیق ایلدکلری مجازاتک صورتی ایله طابور قوماندانلری طرفندن ورود ایدن سجل حوال دفتری .

۴ الای ضابطانک اسامی دفتری ایله طابور قوماندانلرینک لاقلسنه ده ایکی کره کندیلرینه کوندیره جکلری سجل احوال دفتری .

۵ الای قوماندانلرینک اشبو ضابطلر و حققلرنده اولان ملاحظاته مخصوص دفتر .

۶ الای قوماندانلرینک کرک یوقلمه و کرک خصوصات سائردهن طولایی کزدکلری محللرده کی مشهوداتی قیسه مخصوص دفتر .

بالجمله دفاتر ايله اوراق نومرو صرہ سيله حفظ اولنوب
الای قوماندانی تبدیل اولندیقی تقدیرده . دفاتر مذکورہ
برقطعه اجماليله برابر موحی الیهک یرینه قائم بیوک ضابطه
تسلیم اولنور . انجق سجل اخلاق دفتری تمهیر اولنور
حفظ اولنوب اصل الای قوماندانک ورودنده اکا تسلیم
اولنور . هر سنه مارت بدایتده ژاندارمه قوماندانی او سنه
ظرفنده ولایت داخلنده ژاندارمه بخدماتنک صورت جریاتی
خلاصهٴ ارئه ايله اکال واصلحی صمنده مقتضی کورینان
تدابیری . متضمن بر لایحه تنظیم ايله مقام ولایت تقدیم ایلر .
طرف ولایتدن دخی مطالعه لرینک علاوه سيله مقام سرعسکری یه
ارسال اولنور .

ایکینجی قسم

طابور قوماندانلری

۷۷ — ژاندارمه طابور قوماندانلری معیتلرنده کی
ژاندارمه بلوکلرینک خدماتنک تنسیق وتنظیمه مأمور
اولدقلرندن طابورک کافه معاملاتندن مسئولدر . بو قوماندانلر
بلوک قوماندانلرندن الدقلری معلوماتی وهر کونک وقوعاتی
باتقریر الای قومانداننه بیلدیرلر .

۷۸ — طابور قوماندانلری معیتلرنده بولنان ضابطان
وکوچک ضابطان ونفرائک وظیفه لرینی بیلملری وحسن
خدمت ابراز ایلملری ایچون لازم کلان تنبیهات وتشویقاتی
اجرا ایلجهکدر . طابور قوماندانلری طابورینک
ضبط وربطی ايله انتظامندن تربیهٴ عسکریه سی ايله تعلیم

وتعلمندن مسئولدر . طابور قوماندانلری طابور مجلسنه دخی ریاست ایدرلر .

۷۹ — طابور قوماندانلری مسئول اولدقلری محاسبه واداره وخدماتک تفرعاتی تسهیل ایچون مادونلرینه اوامر یومیه واسطهسیله خدمتلرینه متعلق مادهلرک اجراسنی امر ایدرلرواشبو اوامر یومیهک برصورتی دخی الای قومانداننه کوندریرلر .

۸۰ — طابور قوماندانلری معیتلرنده بولنان ژاندارمه قره غوللرینک معاینه سنی ایکی دفعهده اکمال ایتک اوزره سنهده ایکی کره دوره چیقارلر . کوچک ضابطان واونباشی ووفرانک لایقی ایله ایفای خدمت و اقامتگاهلرنده نظام وانتظامه وضبط وربطه رعایت ودورده کزدکاری اشناده ادیبانه حرکت ووظیفه لری بهانه سیله اهالییه سوء معامله یه مبادرت ایدوب ایتدکلرینی وشکایتی دعوت ایده جک صورتده بورج ایلوب ایتدکلرینی ووظیفه اصلیه لرینک خارجنده استخدام اولنوب اولمدقلرینی تحقیق وتبقیق ایدرلر .

ژاندارمه افرادی حقنده ایدیلان شکایت وویریلان عرضحاللری تدقیق ایله حقلرنده لازم کلان معامله یی ایجابنه کوره اجرا وکیفیتی الای قومانداننه اشعار ایدرلر .

طابور قوماندانلری طابورلری تشکیل ایدن ژاندارمه قره غوللرندن بر ویا بر قاچنده تکاسل واهمال ویا سوء استعمال وقوعنی حیس ایتدیکی حالدده بو حال هانکی موقعده ایسه اوراده تکرار آکسزین تفتیش وتحقیقات اجرا ایدرلر .

۸۱ — طاہور قوماندانلری دور و معاینه ائسانسندہ ژاندارمه قرہ غوللرینک دفتری ایله اوراق سائرہ سنک نظامنه موافق وصحت اوزره طوتیلوب طوتلمدیغنی تحقیق و مذکور دفترلر ایله اوراق اوزرینه اک صکرہ یازلمش اولان ماده لره آلتہ معاینه ایتدیکنی تحریر ایله زیرینی تمهیر و بوم ماینه دن طولایی کنیدیلرنجه برکونه ملاحظه وار ایسه انی دخی ژاندارمه قرہ غوللرینک اوامر یومیه و اوامر عمومیه دفترلرینه تحریر ایدر و مذکور دفترلری صحت اوزره طوتیمان کوچک ضابطه و اونباشیلری تکدیر ایدر. مع مافیه معاینه سابقه دنبری تبدل ایتیمان دفتری یکیدن تصدیق ایتمز لر. بلوک قوماندانلرینک دفترلرینک صحت اوزره طوتیلوب طوتلمدیغنی دخی معاینه و تدقیق ایدر لر .

۸۲ — طاہور قوماندانلری قشله و قرہ غولخانه لری کزوب طهارت و نظافتلرینی و خراب اولوب اولدقلرینی و حیواناته یولبله باقیلوب باقلمدیغنی تحقیق و عسکرک البسه و اسلحه سیله حیوانلرک اگر طاقلرینی یوقلمه ایدر و لزوم کوریلان تعمیراتی مافوقه بیلدیرر و اجرا ایتدیکی معاینه لره دائر بالتنظیم الای قومانداننه تقدیم ایدہ جکلری لایحه یه خصوصات مشهوده نك كافه سنی درج ایدر لر .

۸۳ — طاہور قوماندانلری عسکرک تخصیصاتنک و قتيله و تمامیه اصحابنه ویریلوب ویرلمدیکنی تحقیق ایدر لر .

۸۴ — دورلر ختام بولدقدن بش کون صکره طاہور قوماندانلری اجرا ایتدکلری معاینه لر حقدہ بر لایحه

تنظیم ایدوب الای قوماندانه تقدیم و مذکور لایحه فائده لی و مقتضی کوردکلری تعدیلاتی دخی درج ایدر لر .

۸۵ — طابور قوماندانی اداره سی آلتنده کی بلوکلرک شهر سابقده اجرا ایتدکلری خدمات مهمیه دأثر هر یکی آیک برندن بشنه قدر مختصراً ایکی قطعه تقریر ترتیب ایدوب آلی قوماندانه کوندر لر .

۸۶ — طابور قوماندانلری طرفندن طوتیه جق دفتر لر :
۱ کندیلری طرفندن خدماته دأثر ویریلان اوامر یومیه و یازیلان محررات عمومیه دفتری .

۲ ملکیه و عسکری مأمور لریله الای قوماندانی و تحت قوماندانده اولان ضابطان ایله وقوع بولان مخبرات دفتری .
۳ سنجاق داخلنده آرانلمسی تنبیه اولنان فرار یلرایله قرعه بقایاسی دفتری .

۴ داخل سنجاقده ضابطه نك نظارتی آلتنده اولوب محل اقامتی حکومت طرفندن تعیین اولنان اشخاص دفتری .

۵ نظر دقتی جالب و قوعاتی و اهمیتلی اجرا آتی و وقوعه کلان جرایمی و طابور داخلنده کندیلری و یا بلو ک قوماندانلری طرفندن مأذونیت داخلنده ایدیلان مجازاتی مین دفتر [بونوع دفتر مندرجاتنك بر قطعه خلاصه سی هر آی الای قوماندانه کوندر یلور و بود دفتر له ضبط و ربط دفتر لی دنیلور .]

۶ طابور ك كافة ضابطان و افرادینك کنبه و سواری ضابطان و افرادینك حیوانلرینك اشکال و نومر ولی دفتر لی . مکتوبلر و اوامر و مخبرات مسوده لری صره نومر وسیله

ترتیب اولنوب طابور قوماندانی طابوردن آریله جق اولورسه
بالجمله دفاتر واوراقی فهرستیه برابر برینه قائم اولان ضابطه
تسلیم ایدر. الویه مستقله طابور قوماندانلری آلاي
قوماندانلری وظیفه سیله دخی مکلفدر.

اوجنجی قسم

بلوک قوماندانلری

۸۷ — بلوک قوماندانلری ژاندارمه قره غوللرینک
خدمات معتاده سنه مأمور وبلوکنک بالجمله امور و معاملاتدن
مسئولدر. مذکور قره غوللر ایله وقوع بولان مخبراتی خلاصه
ایدرك هر کونک وقوعاتنه دائر طابور قوماندانه تقریر کوندر لر.

۸۸ — زیر اداره لرنده بولنان دائره لر داخلنده آسایش
عمومی یه خلل ویره جک فوق العاده بر وقعه ظهورنده بلوک
قوماندانلری بالذات در حال محل وقوعاتنه کیتمکله برابر کیفیتي
سریعاً طابور قوماندانه بیلدیر لر. وقوعاتک اوکنی آلمق
ایچون تدابیر سریعه اجرا سنه لزوم کورلدیکی حالده طابور
قوماندانک امری کلنجه یه قدر بلوک قوماندانلری ایجاب
ایدن تدابیری اجرا و طابور قوماندانه بیان حال ایدر لر.

۸۹ — بلوک قوماندانلری سنه ده لا اقل دوت دفعه
ژاندارمه قره غوللرینی معاینه ایتمک اوزره دوره چیقار لر و بوندن
ماعدالزومی حالنده دخی اشبو قره غوللری بغته یوقلمه ایدر لر.
۹۰ — بلوک قوماندانلری انهای دورده هر بر نقطه ده

وظائف و خدماتک تمامیه و اقدام و اهتمام ایله ایفا اولنوب
اولمديغنی و ژاندارمه قره غوللرینک حسن ایفای وظیفه

ایدوب ایتمدکلرینی تحقیق ایدرلر وائسای دور وفتیشده ژاندارمه خدماتنه وباخصوص امور عدلیه به متعلق مسائل ترتیب ایدرک قره غول قوماندانلرینه تفهیم و تعلیم و بصورتله معیتده کی افرادک حسن ایفای وظیفه ایلملرینی تأمین ایتمکله غیرت ایدرلر .

۹۱ — بلوک قوماندانلری عسکرک اقامت ایلدکلری محللر ایله حیوانلرینی و یملرینک یولیه ویریلوب ویرلیدیکنی معاینه ایدرلر و البسه و اسلحه بی واکر طاقلرینه متعلق اشیای دخی معاینه و حسن حالده طوتیلوب طوتلمدقلرینی تحقیق ایدرلر .

۹۲ — بلوک قوماندانلرینک دور بهانه-یله خدمات معتاده لرینی تأخیر ایتملری جائز دکلدرد. قره غول قوماندانلری بلوک قومانداننک معاینه اجرا ایدمچکنی بهانه ایله اوامر و طلبنامه لر حکمنی ایفادن و ملاقات ایچون لزومی اولان افرادی کتور مکدن اجتناب ایدم مزلر .

۹۳ — بلوک قوماندانلری دورک ختامندن بش کون صکره اجرا ایتمدکلری معاینه لره دائر بر تقریر تنظیم ایله طابور قومانداننه کوندرمکله مجبوردرلر . اشبو تقریره ژاندارمه قره غوللرینک خدمتله نجه فائده لی و مناسب کوردکلری خصوصات و مطالعاتی دخی درج ایتملیدرلر .

۹۴ — بلوک قوماندانلری معیتلرنده بولسان ژاندارمه قره غوللرینه اقامتگاه اولق اوزره تعیین ویا تکلیف اولنان خانه لره دائر بر لایحه تنظیم و طابور قوماندانلرینه تودیع ایدرلر .

بلوك قوماندانلرينك طوته جقلرى دفترلر :

- ۱ بلوك اوامري يويه وعموميه دفترى .
- ۲ تحريرات وتقريرلرک و ژورناللرک مسوده مجموعه سى .
- ۳ محاکم طرفدن ويريلان جلب واحضار وتوقيف
مذکره لرينک مجموعه سى .

۴ خبر ويرلش اولان فراريلر ايله سابقه ليلرک وقضاده
ضابطه نظارتى آلتده بولنان اشخاصک دفترى .

۵ بلوكده بولنان افرادک کنيه وسوارى حيوانلرينک
اشکال ونومرولى دفترلى .

تحريرات وتقريرلرک مسوده لرينک شهریه سى صره نومروسيه
برمجموعه تشکيل ايدم چکى کبی ژورناللرک دنخى شهریه سى صره
نومروسی ايله بشقه جه برمجموعه تشکيل ايليه جکدر .

بلوك قوماندانى بلوکندن انفکاک ايلدکده دفترلى ايله
بالمله اوراقى يرينه قائم اوله جق ضابطه دور وتسليم ايدر .

ملازم اول وثانيلىر

ملازم اول وثانيلىر بلوك قوماندانلرينک غيوبتلرندم ائلره
وکالت ومأمور بولندقلرى قرا ونواحى دائره سنده کى
قرم غوللره قوماندا ايتمکله برابر اول دائره ده بلوك قوماندانلرى
حقنده تعيين اولنان وظاقله ده مکلفدرلر .

دردنجى قسم

اداره امينلىرى

۹۵ — اداره امينلىرى الاى مجلسى اعضاسندن معدود

اولوب الای قوماندانک والای مجلسنک کتابت وظیفه سنی ایفا و ایجاب ایدن محرراتی تسطیر و قیودی تنظیم و بونلر الای قوماندانک تحت نظارتنده الای مال مأموری صفتی دخی حائر اولدقلرندن معاملات حسابیه و اداره به متعلق وظائفی اداره نظامنامه سی احکامنه تطبیقاً رؤیت و اجرا ایدرلر. اداره امینلری سنه ده بردفعه منسوب اولدقلری آلایک طابور و بلوک مرکز لرینه کیدرک طابور و بلوکلرک معاملات حسابیه و قیودی سنی تدقیق و مغایر اصول و نظام اولانلری نی اصول و نظامنه توفیق و بعد مایولسز معامله وقوعه کتیرلما سنی ایجاب ایدنلر تفهیم و تنبیه ایدر و مشاهده ایلدیکی نیک و بد احوالی عودتلرندمه بازورنال الای قوماندانسه بیلدیرلر . فقط بوتقتیش زمانلرینک غیری بر زمانده طابور و یا خود بلوکلرک معاملات حسابیه و عمومیه سنجه بر کونه یولسزلق حس ایدیلور و یا ایشیدیلور ایسه درحال اول محله عزیمتله ایجاب ایدن معامله یی اجرا ایدرلر . اداره امینلری عزیمتلرندمه علی الاصول الای قوماندانندن استیدان ایتلری لازمدر .

اداره امینلری معیتلرینه لدی الایجاب او قوریا زارچاوشلردن و یا اونباشیلردن برچاوش و یا اونباشی تعیین اولنور .

طابور کاتبلری

۹۶ — طابور کاتبلری طابور مجلسی اعضاسندن معدود اولوب طابور قوماندانک و طابور مجلسنک کتابت وظیفه سنی ایفا و ایجاب ایدن محرراتی تسطیر و قیودی تنظیم و بونلر طابور قوماندانک تحت نظارتنده طابور مال مأموری

صفتی دخی حائر اولدقلرندن معاملات حسابیه و اداره به متعلق وظائفی اداره نظامنامه سی احکامنه توفیقاً رؤیت و اجرا ایدرلر. طابور کاتبلری لاقول سنده ایکی دفعه منسوب اولدقلری طابورلرک بلوک مرکز لرینه عزیمتله بلوکلرک حساباتی تدقیق و مغایر اصول و نظام کوردکلرینی اصول و نظامنه توفیق و بعدما یولسز معامله وقوعه کتورلما سنی ایجاب ایدنلره تفهیم و تنبیه ایدر و مشاهده ایلدکلری نیک و بد احوالی بازورنال طابور قوماندانلرینه بیلدیررلر. فقط بو تفتیش زمانلرینک غیری بر زمانده بلوکلرک معاملات حسابیه و عمومیه سنجه برکونه یولسزلق حس ایدیلور و یا ایشیدیلور ایسه در حال اول محله عزیمتله ایجاب ایدن معامله یی اجرا ایدرلر. طابور کاتبلری عزیمتلرنده طابور قوماندانندن استیدان ایتلمی لازمدر.

طابور کاتبلرینک معیتلرینه معاونت ایچون اوقور یازار چاوشلردن و یا اونباشیلردن برچاوش و یا اونباشی تعیین اولنور.

باش چاوش و بلوک امینلری

۹۷ — باش چاوش و انلرک معیتنده بلوک امینلری بلوک قومانداننک کتابت وظیفه سنی ایفا و ایجاب ایدن محررات و قیودی تنظیم و بلوک قومانداننک تحت امر و نظارتنده معاملات حسابیه و اداره به متعلق وظائفی اداره نظامنامه سی احکامنه توفیقاً رؤیت ایدرلر.

بشنجی قسم

بالعموم ضابطانه مخصوص وظائف

۹۸ — بر قاج ژاندارمه ضابطانی بولنان بر محله

اك كوچك رتبه ده اولان ضابطان هر كون تعيين اولسان
ساعتمه كنديلرينك برر رتبه مافوقنده بولنان ضابطك
ومافوقلرى مقامنده بولنان ذاتك امر آلمق اوزره تزدينه
كيتمكه مجبوردرلر . كاتبلر دخى هر كون طابور قوماندانك
يانه كيدرلر .

۹۹ — هر رتبه ده اولان ژاندارمه ضابطانى دائمى صورتده
كنديلرينه مخصوص اولان البسه عسكريه لرني اكتسانه
مجبور اولوب سيويل كزملرى ممنوعدر .

۱۰۰ — انساى دورده هر قفى رتبه ده اولور ايسه
اولسون ژاندارمه ضابطانى ايچون مادونلرينك خانه لرنده
مسافر اولمق ممنوع وخان وخانه وهوتل كي مسافر اوله جقلرى
محللرده دخى كراسنى وييه جكلرينك اچق سنى ويرمكه مجبوردر .
۱۰۱ — منحل ويا غيوبت وقوغنده ضابطان بربرينه

اسلوب آتى اوزره وكالت ايدرلر : الاى قوماندانك وكيلى
آلايك اك قدملى طابور قوماندانى وطابور قوماندانك وكيلى
اك قدملى بلوك قوماندانى وبلوك قوماندانك وكيلى بلوكك
ملازم اوليدر . اشبو اسلوب اوچ آيدن زياده اوزايه جق
اولان غيوبتله مخصوص اولوب آز برزمان ايچون اولان
غيوبتله وخسته لق وقوغنده آلاى قومانداننه آلاى
مرکزنده كي بيكباشى وطابور قومانداننه طابور مرکزنده كي
بلوك قوماندانى وكالت ايدر . اداره امينك وكيلى مرکز طابورنده
طابور كاتيدر . موجود اولمدينى حاليه طابورلردن برينك
طابور كاتبي آلاى قوماندانى طرفندن وكاله تعيين اولنور .

طابور کاتبه طابور ضابطانك . مقتدر لرندن بری وکیل تعیین
اولنور .

ایکنجی فصل

برنجی قسم

قره غول قوماندانلری

۱۰۲ — قریه و قصبه لرده اقامه ایدیلوب بهری دوت
الی اون نفر دن مرکب اولان و هر بری براونباشی و یا چاوشك
تحت قومانداسنده بولسان ژاندارمه . فرزه لرینه قره غول
دنیلور . اشبو اونباشی و یا چاوشلرده قره غول قوماندانی
نامی ویریلور . کرک اشبو کوچك ضابطلر و کرک ملازم
ویوز باشی رتبه سندمه کی ضابطه مأمورلری بر موقعه مأمور
اولدقلری زمان اول اسرده موقع مذکورک و جوارینك
احوالی و اهلینك مزاج و افکارینی و ایچلرنده شایان اعتماد
اولنر ایله اولمیانلری همان اوکر نمکه جهد ایدرلر .

قره غول قوماندانلرینك باشلیجه وظیفه لری مادوننده
بولنلرله غیرت و صداقت و نظام و انتظام اوزره حرکته
نمونه امتثال اولمقدور . امرلرک اعطاسنده تکلیفسز و لاابالیانه
طورده بولنیمه جقلر و عنف و شدت دخی کومسترمیه جکلر درر .
بلوک قوماندانلری و ملازم اول و ثانیلر معیتلرنده بولسان
قره غوللرک خدماتی نظام و انتظام اوزره اجرا ایتملرندن وضبط
وربطلرندن مسئولدرلر .

۱۰۳ — مواقعه بولنان چاوش واونباشيلرمادونلرنده بولنانلرك خدماتنى نظام وانتظام اوزره اجرا ايتلرندن وضبط وربطلرندن مسئول اولغله برابر قباحتلى وقوع بولانلر حقنده نظاما كنديلرينك اجراسنه ماذون اولدقلى مجازاتى اجرا وبوقاحتلك مستلزم اولدىنى مجازاتى درجه ماذونيتلرينك فوقنده ايسه مافوقلرينه مراجعت ايدرلر .

۱۰۴ — تعيين اولنان اوقاتده هر صباح قره غول قوماندانى يعنى مواقعه بولنان چاوش ويا اونباشيلر اجرا اولنه جق خدمتلى صرسيه تنظيم ايدوب اجراسى ايچون اقتضا ايدن امرلى ويرر . ژاندارمه قره غول قوماندانى هركون تعيين اولنان ساعتده امر آلىق ايچون او موقعده بولنان اك بيوك ملكيه مامورينك نزدينه كيدر وايجاب ايدر ايسه لزوم كورينن احوالى بيلديرمك وامرلرني آلىق ايچون غيرمعين زمانلرده مامور مومى اليك نزدينه عزيمت ايلر .

۱۰۵ — قره غول قوماندانلى كنديلرينك مافوقنده اولان ضابطه خدماتك اجرا آتى مين يومى ژورنال اعطا ايدرلر ومذكور ژورناله يكرمى دوت ساعت ظرفنده آلدقلى معلوماتى درج ايلرلر . مهم برايش وقوعنده سلسله مراتبه رعايت ايله ژورنال تحريرى تاخيرى موجب اوله جق ايسه قره غول قوماندانلى طوغريدن طوغرى به طابور قوماندانى ايله مخابره ايدوب اشبو مخابراتك بر عينى دخى كندى ضابطلرينه بيلديرلر .

۱۰۶ — قره غول قوماندانلى قشله وقره غولخانه لرك

طهارت ونظافته دقت ونظارت ایدوب خراب اولسنی موجب اسبابی منعه چالیشور لر .

۱۰۷ — حیوانلر خدمات یومیه نك مساعده سنه کوره تعیین اولنان ساعتده تیمار ایدیلوب قره غول قوماندانلری کرک بوکا کرک حیوانلرک ایی باقیلوب بسلنمه سنه دقت ایدر لر .

۱۰۸ — قره غول قوماندانلری حیوانلرک کیمسه یه ویرلما سی وخدمات مخصوصه لرندن بشقه یرلرده قوللانما سی ایچون معیتلرنده اولان افراد امر قطعی ویرلر و بو امره مخالفت ایدنلر ایلك دفعه ده مجازات ایدیلور و تکرری حائده جزاسی تشدید اولنور .

۱۰۹ — خدمته تعیین اولنان ژاندارمه افرادی قره غولدن چیقما زدن اول قره غول قوماندانی طرفدن یوقلمه اولنه جنی کبی قیافت عسکریه سنک بوزیلوب بوزلمدینی و حیوانی بهوده یوریلوب یورلمدینی آکلا شیلحق ایچون عودتنده دخی یوقلمه اولنه حقد ر .

۱۱۰ — دوریه و محافظه خدمته لاقلا ایکی ژاندارمه تعیین اولنور . موقعک قوماندانی اولیان سائر چاوشلر واونباشلر دخی نفرات ایله برابر دوریه نوبته کیرر لر . طشره خدمتدن عودت ایتمش اولنلر دفعه خدمته کوند رلیوب کندولرینک خدمت صره سی کلنجه یه قدر منسوب اولدینی قره غولک داخلی خدمتنده استخدام اولنور لر .

۱۱۱ — واقعه بولنان قره غول قوماندانلری کندی قره غولارینک خدماتی مین اولان دفترلرینک تنظیمنه

ونظامه موافق صورتده طوئلسنه مأمورددرلر . دفاتر مذکورہ
بروجہ آتی بیان اولنور :

- ۱ اوامر یومیہ و اوامر عمومیہ مجموعہ سی .
 - ۲ تقریر و مخبرات و وقوعات ژورناللرینک مسودہ
مجموعہ سی .
 - ۳ عدلیہ نک جلب و احضار و توقیف مذکرہ لرینک
مجموعہ سی .
 - ۴ اسملری خبر و یریلان فراریلر ایله ضابطہ نظارتی
تحتندہ بولنان اشخاصک دفتری .
 - ۵ محبوسلرک صورت نقلنه عائد اوراقک مجموعہ سی .
 - ۶ قوریجیلرک دفتری .
 - ۷ طاقم افرادینک کنیہ دفتری .
- اوامر یومیہ و عمومیہ نک شهریہ سی صرہ نومروسہ ییلہ بر
مجموعہ تشکیل ایایہ چکی کبی ژورناللرک دخی شهریہ سی نومرو
صرہ ییلہ بر مجموعہ تشکیل ایدر .

۱۱۲ — مادہ سابقہ ده بیان اولنان دفترلردن ماء-دا
هر قره غولک خدمات یومیہ سی ایکی نسخه اوله رق خدمات
پوصله سی تعبیر اولنان ورقه لرہ یازیلوب طاقمک اوراق سائرہ سی
میاننده حفظ اولنور . دیگر نسخه سی دخی هر آیک باشندہ
سلسلہ مراتبہ توفیقاً بلوک قوماندانہ کوندریلور واشبو
ایکی نسخه یه طاقم طرفندن کچن آیدہ ایفا ایدیلان خدمات
دخی خلاصہ و جملہ درج اولنور .

۱۱۳ — قره غول قوماندانلری مادونلرینک نظری وعملی تعلیملرندن واطاعتلرندن مسئول اولوب انلرک او قومه ویا زملرینه و تعلیملرینه سی و غیرت ایدر لر .

۱۱۴ — قره غول قومانداننک محلی منحل اولدقده ویا ماذوناً غیبوتی ویا خسته لنی حالنده اوراده کندوسندن رتبه جه مادوننده اولان رتبه یی حائر اولان ورتبه لی یوق ایسه یازوب او قومق بیلان برژاندارمه نفری وکیل تعیین اولنور . مهم برایش ظهورنده طابور قوماندانی اوقضادن دیکر بر اونباشی بی اشبو خدمت مهمه یه موقت صورتده تعیین ایدر .

۱۱۵ — قره غول قوماندانی تبدل ایتدیکی حالده یندنه بولنان دفترلر ایله اوراق سائر و اشیا کندی یرینه نصب اولنان قره غول قوماندانه دور وتسلیم اولنور . اشبو تسلیماتی مین ایکی قطعه دفتر تنظیم اولوب بریسی بلوک قوماندانه کوندریلور و دیکری طاقک اوراق سائر سی ایله برابر حفظ اولنور .

ایکنجی قسم

سیار طابورلرینک وظائفیه محل اقامتلی

۱۱۶ — سیار طابورلری منحصرآ اشقیا تعقیبنه مأمور اولدقلری جهتله لزوم کورندیکنده ایجاب ایدن محلله طوبلیجه سوق اولنه بیلیمک ایچون مذکور طابور قوماندانلری والی ولایتک تنسیب ایدم جکی محله طابور کاتیلله معاً اقامت ایدر . بولردن کورینه جک لزوم اوزرینه سنجاقلره کوندریلان بلوکلر دخی متصرف لوانک تعیین ایدم جکی محله

اقامتله قضاالره مأمور ژاندارمه لرك كیده مدیكى محللره ده بر اونباشی قومانداسنده اولوق وموجودلری مقصده كوره تعیین قلنمق اوزره قوللر ترتیب واعزام ایدیلهرك امنیت وآسایشك محافظه سنه خدمت ایلرلر . لدی الحاحه درحال جمع اوله بیلمك ایچون مذکور مفرزه لرك مرکز لرندن بعید محللره سوق ایدملری جائز دكلدر . اقتضا ایلدیكى حالده متصرفك امری ایله مفرزه لر برلشدریلهرك بلوك قوماندانك ووالینك امریله ده عموماً طابور ویالزومی مقدار بلوكلر برلشدریلهرك طابور قوماندانك قومانداسی تحتده اقتضا ایدن محله مجتمعاً سوق اولنور .

اوچنجی فصل

ژاندارمه ضابطانك ضابطه عدلیه مأموریتنجه وظائفی

برنجی قسم

ضابطه عدلیه وظائفی

۱۱۷ — ژاندارمه ضابطانك ضابطه عدلیه مأموریتنجه وظائفی جنایت وجنحه وقباحتلری تحری وتحقیق ووقوعاتی اثبات ایدر دلائلی جمع وضبط ایله فاعلارینی طوتوب محاکم جزائییه تسلیم ایتمكدر . هر رتبه ده بولسان ژاندارمه ضابطانی ضابطه عدلیه مأموریتندن معدود اولدینی کبی اجرای مأموریت ایتمكده اولدینی قضا داخلنده ده مدعی عمومییه معاونت ایدرلر . ضابطه عدلیه مأموریتنده بولسان ضابطان ایفای مأموریت ائساننده جمله حقنده حسن معامله کوسترمکه مجبوردرلر .

۱۱۸ — ژاندارمه ضابطانی جرم مشهود وقوعند و یا خود برخانه صاحبی طرفندن طلب اولند قدده الیقین اولان مدعی عمومی معاوننه و مستنطقه خبر ویرمکه برابر تحقیقات لازمی بالاجرا وقوع حالی مبین ضبط ورقه لرینی تنظیم و ویریلان شکایت و اخبارنامه لری قبول و شهودك افادات واقعه سنی ضبط و ذات وقعه یی و محل و آلات جرمی معاینه ایتک و بدایت مدعی عمومی لرینک بو بایده حائر اولدقلری صلاحیت و وظیفه داخلنده اولان معاملات سائرہ یی ایضا ایلمک حق و صلاحیتی حائر درلر .

۱۱۹ — ماده سابقه ده تصریح اولنان احوالده مدعی عمومی بالذات ایفای مأموریت ایدر ایکن کندی وظیفه سی داخلده بولنان معاملاتدن مناسب و مقتضی کوروبده حواله ایدہ چکی خصوصی ژاندارمه ضابطی ایضا ایدر .

۱۲۰ — ژاندارمه ضابطانی کرک حائر اولدقلری ضابطه عدلیه مأموریتی صفتیلہ و کرک برجرم مشهود حالنده طوغریدن طوغری به و یا خود مدعی عمومی طرفندن کنديلرینہ احاله ایدیلان وظیفه دن طولای ایفای مأموریت ایتدکری حالده بر معتاد اجرای مأموریت ایتمکده اولدقلری دائره نک هر طرفه عزیمت ایدہ بیلورلر وجنحه و جنایاتی تحقیق و فاعل لرینی میدانه چیقاره حق بالجمله دلائلی استجصال ایدرلر . فقط کندی وظیفه مأموریت لرینی و احکام قانونیه یی تجاوز ایتماک ایچون وقوع بولان جرمک قباحت و جنحه و جنایاتدن

تغیسی اولدیغی لایقی ایله فرق و تمیز ایتلمی لایقلا بدمر .
قانوناً معاملهٔ تکریریه یی مستلزم اولان افعاله قباحت
و مجازات تأدیه یی استلزام ایدن افعاله جنبه و مجازات ترییه یی
استلزام ایدن افعاله جنایت تعبیر اولنور .

۱۲۱ — بر موجب قانون یکرمی درت ساعتدن برهفته یه
قدر حبس و نهایت یوز غروشه قدر جزای تقدیدن زیاده
جزای مستلزم اولیان افعال جرمیه قباحتدن معدوددر .
ژاندارمه ضابطانی حائر اولدقلری ضابطهٔ عدلیه مأموریتی
صفقی ایله بو مقوله قباحته دائر اولان شکایات و یا اخباراتی
تاقی یه مأذون اولیوب بوبابده مشکی و یا مخبر اولانلری قباحت
دائر شکایات و اخباراتی قبول ایتمکله مکلف بولنان پولیس
قومیسرینه و یا خود ناحیه مدیرینه کوندردر .

۱۲۲ — ژاندارمه ضابطانی جرائم مشهوده قیلندن
اولیان برجرمک و قوعنه دائر کندولرینه شکایتنامه و یا
اخبارنامه ویرلدیکی حالده اخذ و قبول ایله درحال مدعی
عمومی یه ویرمک و اخبارنامه ویرلیوبده شفاهاً خبر ویرلدیکی
حالده دخی همان ضبط ورقه سی تنظیم و مخبر و یا وکیلنه دخی
امضا ایتدیریلهرک مدعی عمومی یه تسیاریلیه جکلردر .

۱۲۳ — شکایات و اخبارنامه لر مشکی و یا مخبر و یا خود
بونلرک وکیلی و یا طلب و قوعنده ژاندارمه ضابطانی طرفندن
تنظیم اولنور. اوراق مذکورہ نك هر بر صحیفه سی بونلری قبول
ایدن ژاندارمه ضابطی و مشکی و مخبر و یا خود وکیلی طرفندن
امضا و تمهیر اولنه جقدر. اوراق مذکورده چیزیلان و کناره

علاوه اولنان عباره لری ژاندارمه ضابطی امضا ایندکدن صکره
مشتکی و مخبر و یا خود انلرک و کیلنه دخی امضا ایندیرر. مشتکی
و یا مخبر و یا خود و کیلی امضا ایتمک بیلمدیکی و یا خود امضا ایتمک
ایستمدیکی حالده کیفیت ضبط نامه ده درج و تصریح اولنور .
و کالتامه هر حالده شکایت و یا خود اخبار نامه به ربط اولنور.

۱۲۴ — و کالتامه به مستنداً بر وکیل طرفندن شکایت
و یا اخبار اولنان بر جرم حقنده مذکور و کالتامه ده اشبو
شکایت و اخبار ایچون صلاحیت اعطا ایدلماش ایسه مذکور
شکایت و یا اخبار نامه ژاندارمه ضابطانی طرفندن قبول
اولنه ماز .

۱۲۵ — ژاندارمه ضابطانی کندولرینه تحریراً اعطا
اولنان شکایت و اخبار نامه لره هیچ بر سوز علاوه ایده من
و ایندیره مزلر. یالکز یوز یکر می اوچنجی ماده ده بیان اولدینی
وجهله بهر صحیفه سنی امضا ایتمکله اکتفا ایدر لر . و یریلان
شکایت و اخبار نامه ممضی ایسه ژاندارمه ضابطی امضاتمک مشتکی
و یا مخبرک کندی امضایی اولدینی تصدیق ایده جکدر .

۱۲۶ — حسب الایجاب ژاندارمه ضابطانه شفاهاً
افاده اولنان جرائم اوزرینه ضابطان مومی الیه طرفندن
یازیله حق شکایت و اخبار نامه لرده وقوع بولان جرمک صراحة
کوسترلسی وانی تخفیف و یا خود تشدید ایده بیله جک
و فاعل لرینی میدانه چیقاره بیله جک بالجمله احوالک یازلسی
اقتضا ایدر . ژاندارمه ضابطی اشبو ورقه یی دخی امضا ایدر
و مشتکی و یا مخبر و کیلرینه دخی امضا ایندیرر .

۱۲۷ — ژاندارمه ضابطائی ویریلان شکایت و اخبار نامه لری همان اول محلك مدعى عموميسنه ارسال ايتمکه مجبور اولوب بشقه بر معامله اجراسنه مأذون دکلدر لر . ضابطان مومى اليهم بر جرم مشهود حائنده تحقيقات اوليه اجرا ايتمکه مجبور اولدينى مثللو برخانه دروننده وقوع بولان جنحه و جنایات جرائم مشهوده دن معدود اولسه بيله اول خانه صاحبي طرفدن طلب واستدعا وقوع بولور ايسه كذلك تحقيقات اوليه اجرا ايله بيلور . احوال مبسوطه نك غريده تحقيقات اوليه اجراسنه صلاحيتلری يوقدر .

اينکيجى قسم

جرم مشهود و جرائم مشهوده دن معدود اولان احوال
۱۲۸ — جرم مشهود واکا معادل اولان حالات آتیده
محرر احوال اربعه دن عبارتدر :

اولاً : ارتکاب و اجرا اولتورکن کوريلان جرم .
ثانياً : هنوز وقوع بولمش اولان جرم .
ثالثاً : فاعلى ولوله ناس اوزرينه تعقيب اولتمقده اولان جرم .
رابعاً : جرمك وقوعه قريب بر زمانده شخص مظنون عليه اوزرنده فاعل ويا خود شريك اولديغه دلالت ايدن آلات و اسلحه و اشياى سائر ويا اوراق بولمقله اکلاشيلان جرم .

۱۲۹ — جرم مشهود حائنده ژاندارمه ضابطائی طرفدن اجرا ايديله جک معاملا تده ارتکاب ايديلان فمک جنایت نوعدن ويا خود قانوناً اوج آيدن زياده حبس جزاسنى استلزام ايدن جنحه قيلندن اولمسی شرطدر .

نجنه خفيه ايله قباح ت نوعدن اولان احوالده ژاندارمه ضابطانی تحقیقات اولیه اجراسنه مآذون دکدر لر .

۱۳۰ — جرم مشهود حالده ژاندارمه ضابطانی بلا تأخیر محل وقوعاته عزیمت ايله ذات وقعه یی و جرمک صورت وقوعی و موقعک احوالی ضبط و تحریر و اوراده اسکان ایدنلرک و تعلقاتنسک و خدمتجیلرک و بو بایده معلومات ویره بيله جک بالمله کسانک افاداتی اخذ ايله بر ضبط و ورقه سی تنظیم ایدر لر و در حال کیفیت عزیمت لری نی اول محلک مدعی عمومیه سینه بیلدیر لر . بومقوله وقوعاته لزوم کوریلور ایسه ژاندارمه لر حکومت محلیه دن بر کاتب ایسته یه بیلور لر . بو کاتبک مستقیمانه و بی غرضانه ایفای خدمت ایده جکنه دائر کندوسنه نمین ایتدیر لر و کیفیت طوته جقلری ضبط و ورقه سینه درج ایدر لر .

۱۳۱ — ژاندارمه ضابطانی اخذ و ضبط ایده جکلری افاداتی امضا و تمهیر ایدوب اصحابنه دخی امضا ایتدیر لر . بونلر امضا ایتک ایستمدکلری حالده کیفیت ضبط و ورقه سنده ذکر اولنور .

ضبط و ورقه سنک تنظیمی ختام بولنجه یه قدر جرمک وقوع بولدینی خانه و یا خود محله بولنانلرک طیشاری چیقلر نی و یا خود تباعد ایلملر نی منع ایده بیلور لر . اشبو ممنوعیته اطاعت ایتیانلری در دست و توقیف ایده بیلور لر . ژاندارمه ضابطانی بومقوله لر حق سده هیچ بر جزا تعین ایده میوب کیفیت در حال مدعی عمومی یه بیلدیر لر .

ژاندارمه ضابطانی حقیقت حالک میدانه چیقمنه مدار اوله جق هر نوع اشیا و اسلحه و سائر یی اخذ و ضبط ايله مظلون علیه اولان شخصه ارايه ایدرک ایضاحات طلب ایدر لر .

ضبط ورقه سنی دخی مظنونه امضا ایتدیررلر واستنکاف ایلدیک
حالدده کیفیت زورناله درج ایدرلر .

۱۳۲ — وقوع بولان جنحه وجنایت شخص مظنون
علیه زدنده بولنه حق اوراق سائر ايله اثبات اولنه بيله جك خالدده
ایسه ژاندارمه ضابطانی در حال خانه سنه کیدرک تحری ایدرلر .
آنحق لیلّا خانه لره کیرمک کندولری ایچون قطعاً ممنوعدر .
۱۳۳ — مظنون علییهك اقامتگاهنده ثبوت جرمی

ویا خود برائت ذمتی تأیید ایدده جك اوراق و اشیا موجود اولدینی
حالدده ضبط ورقه سنی تنظیم ایتمکله برابر اشیا، مذکوریه
ضبط ایدرلر . ژاندارمه ضابطانی طرفدن ضبط اولنه حق
اوراق و اشیا سائر تمهیر اولنه حق و تمهیری قابل اولیانلر
محفظه و یا خود طوبره دروننه قونیه رق اوزری باغلانوب
تمهیر ایدیه جکدر . شخص مظنون ایستر ایسه آنک مهری
ایله دخی مهر لنه جکدر . اشیا مذکور در حال نقل اولنه میه حق
صورته جسامتلی اولدینی خالدده ژاندارمه ضابطانی اشیا
مذکوریه بی حفظ ایتمک اوزره اها لیدن بریکجینک محافظه سنه
تودیع ایله بکجیه دخی یمین ایتدیررلر .

۱۳۴ — ژاندارمه ضابطانک مظنون علیه اولان شخصک
خانه سندن ماعدا دیگر محله دخول ایلملری قطعاً ممنوعدر .
فقط عمومیه مخصوص محللره ضابطه نظامنجه آجیق بولندیرلمسی
معین اولان وقته دکن کیجه دخی کیده بیلورلر .

۱۳۵ — ژاندارمه ضابطانی مظنون علییهك بولندینی
خانهك غیریسنده ثبوت تمهشه و یا خود برائت ذمتیه یاردم
ایده بيله جك اوراق و اشیا بولندیقه شبهه ایدرلر ایسه
کیفیتی سریعاً اول محلك مدعی عمومیه سنه بیلدیررلر .

۱۳۶ — مظنون علیه اولان شخصك خانه سی ژاندارمه ضابطانك بولندینی قضائك خارجنده ایسه اورایه عزیمت ایدمیبوب کیفیت مدعی عمومی یه بیان ایله اکتفا ایدرلر .

۱۳۷ — بالاده محرر معاملات مظنون علیه اخذ و گرفت اولنش ایسه انك حضورنده و حاضر بولنق ایسته میوب و یاخود بولمغه مقتدر اوله میوبده بروکیل تعیین ایتدیکی حالدده وکیلی حضورنده اجرا اولنه جقدر .

بولان اشیا و اوراق مظنون علیه ویا وکیلنه ارائه ایله طانیوب طانیمدقلمری استفسار اولندقدن صکره لزوم کوریلور ایسه ضبط ورقه سنی و اشیا و اوراقی امضا ایتلمری کندولرینه تکلیف اولنه جق و امضا ایتمکدن استنکاف ایلدیکی حالدده کیفیت ضبط ورقه سنده ذکر اولنه جقدر . .

مظنون علیه وکیل دخی تعیین ایتمز ایسه معاملات واقعه یه شهادت ایتك اوزره ایکی شاهدك حضوری الزمدر .

۱۳۸ — مظنون علیه اولان شخص حقه ده امارات قویه بولندینی حالدده ژاندارمه ضابطانی مظنونی توقیف ایتدیررلر . مظنون حاضر دکل ایسه احضاری ایچون امر ویررلر : بواصری متضمن اولان احضار مذکره سی یازان ضابطك امضا و مهر یله مصدق اوله جق و توقیف اثناسنده برکونه سهو وقوعنه محل قالماق اوزره درون مذکرده مظنون علیه اشکال و احوالی ممکن مرتبه تفصیل اولنه جقدر . اقامتگاه ی اولنلره احضار مذکره سی ارسالی ایچون یالکز اخبار نامه و یاخود شکایتنامه کافی اوله ماز وئتن قوی حاصل اولمده جقه توقیف ایدیله مز . شخص مظنون

حاضر دکل ایسه دردست اولندقده مستنطق ویاخود مدعی
عمومی حضورینه کتوریله جکی احضار مذکره سنده تصریح
اولنه جقدر . مجهول الاحوال وسابقه لی اولئر شکایت ویا
اخبارنامه اوزرینه اخذ وکرفت اولنه بیلورلر .
۱۳۹ — ژاندارمه ضابطانی نزدلرینه کتوریله جک
مظنون علیی درحال استنطاق ایتلیدرلر .

اوچنجی قسم

عدلیه تحقیقاتجه رعایت اولنه جق اصول

۱۴۰ — یوزیکرمی طقوزنجی ومتعاقبی بولنان ماده لرده
ذکر اولنان معاملاتک کافه سنده ژاندارمه ضابطانی شهادت
ایچون محلی پولیس مأمورینی وبولندینی صورتده ناحیه مدیرینی
وبونلرک دخی غیبوتلری حالنده ناحیه ده ساکن اهالیدن
ایکی کسینه بی کندولری ایله برلکده بولمغه دعوت ایدرلر .
بو صورتله شاهد تدارکی ممکن اوله ماز ایسه ژاندارمه
ضابطانی ینه اصولی وجهله لازم کلان ژورنالی تنظیم ایدرلر .
تنظیم اولنان ژورنالک هر بر صحیفه سنی کندولری امضا
ایدوب برلکده بولنان کسانه دخی امضا ایتدیرلر وبونلرک
امضا ایتک ایستمدکلری ویا ایده مدکلری صورتده کیفیت
ژورنالده بیان اولنور .

۱۴۱ — صورت وقوعی تعین ایچون معلومات خصوصیه
احتیاج کورینن قتل و آغمر بر جرح وشکست ایله سرقت
منللو جنایاتک وقوعنده ژاندارمه ضابطانی جنایاتک نوعی
ونه بولده وقوعه کلدیکنی کجند و تخمینه مقتدر اوله بیله جک

کسمسه لری جلب ایله انلردن معلومات آلمغه مجبوردرلر .
 بونلرک تقریرلرینی بی غرضانه و مطالعه لرینی قناعت وجدانیه لری
 وجهله بیلدیره جکلرینه داتر اولجه کندولرینه یمین ایتدیررلر .
 ژاندارمه ضابطانی بیان اولسان تداییرک هیچ برنده اهام
 ایتیره رک حقیقت حالک میدانه چیقمسسه دلالت ایدمه جک
 معلومات و اماراتک کافه سنی جمع ایتمه مجبوردرلر .

۱۴۲ — ژاندارمه ضابطانی برخانه دروننده وقوعه
 کلش جنحه و جنایتک میدانه چیقارلمسی ایچون دعوت
 اولندقلرنده اول جنحه و جنایت جرائم مشهوده دن و مجازات
 تره ییه و یا تادییه یی مستلزم جنایت و جنحه لر دن اولیو بده مجازات
 تکیدریه یی مستلزم قباحث نوعندن اولسه بیله جرم مشهود حقنده
 بیان اولنان اصول اوزره تحقیقات و تداییری اجرا ایدرلر .
 ۱۴۳ — ژاندارمه ضابطانی وظائف عدلیه اجرا سنده

مدعی عمومینک معاونی مثابه سنده بولندقلرندن بر جرم
 مشهودک و یا خود برخانه دروننده وقوعه کلش اولان برجنحه
 و یا جنایتک کشف و تحقیقنه مبادرت ایلدکلری ائنده مدعی
 عمومی کله جک اولور ایسه ضابطه عدلیه معاملاتنک باقیسنی
 ایضا ایتک مدعی عمومی به عائد اولور . ژاندارمه ضابطانی
 مدعی عمومیدن اول کلوب ایشه باشلامش اولدینی حالده
 مدعی عمومی معاملاته دوام ایتک اوزره کندولرینه مآذونیت
 اعطا ایدمه بیلور . مدعی عمومی بالذات اجرا ایتمکده اولدینی
 تحقیقاتدن طولای و وظیفه سنه عائد معاملاتک برقسمنی ژاندارمه
 ضابطانه احاله ایدمه بیلور .

۱۴۴ — ژاندارمه ضابطانی کرک جرم مشهوددن و کرک
برخانه دروننده وقوع بولمش برجرمدن طولای حسب المأذونیه
اجرا ایدہ جکلری تحقیقات اولیہ نک ختامندہ تنظیم ایلہ جکلری
ضبط ورقه لرینی واجرا ایتدکلری کافہ معاملاته دائر اوراق
ویدضبطنه کچوردکلری اوراق وایشایی درحال مدعی عمومی به
کوندردہ جکلردر .

ایشای مذکورہ بی کوندردہ مدکلری حالہ ضبط و حفظی
ضمنندہ اتخاذ ایلدکلری تدابیر حقندہ مدعی عمومی به تحریراً
معلومات ویرلر .

۱۴۵ — ژاندارمه ضابطانی ضابطہ عدلیہ مأموری
صفیلہ محکمہ استیناف مدعی عمومیلریله مستنطقلر طرفندن
ویریلان امرلری اجرا به مجبوردرلر .

۱۴۶ — ژاندارمه ضابطانی ضابطہ عدلیہ مأموری
صفی ایلہ مکلف اولدقلری وظائقندن ماعدا کوجک ضابطان
واونباشی و نفراتک خدمات معتادہ لرینی ایفا ایتدکلری صرہ
جنحه و جنایات واقعه نک براقش اولدینی اثر و امارہ لرہ دائر
یازمش اولدقلری ضبط ورقه لرینی همان مدعی عمومیلرہ
کوندیرلر و بو ضبط ورقه لرینہ جنحه و جنایت واقعه نک
فاعل و مشترکلری حقندہ اولان تحقیقات و معلوماتی دخی
درج و علاوہ ایدرلر . ژاندارمه ضابطلری قباحت نوعندن
اولان حرکانه دائر طوتیلان ضبط ورقه لری ایلہ فاعللری
حقندہ استحصال اولتان معلوماتی اول قباحتلرک وقوع
بولدینی محکمک پولیس مأمورینہ و ناحیه مدیرینہ کوندردلر .

۱۴۷ - ژاندارمه ضابطانی پولیس قومیسری بولنمیان
یرلرده ضابطه عدلیه مأموریتجه اوچنچی فصلده کی موادلک
تعین و تحمیل ایلدیکی وظائف ایله مکلف اولوب پولیس
قومیسری اولان یرلرده وظائف مبحوئه قومیسرلر طرفندن
اجرا اولنه جقدر .

وظائف مذکورده نك قومیسرلر طرفندن ایفا اولندی
صرمه ژاندارمه لر طرفندن دخی معاونت ایدیه جکدر .

دردنجی باب

ژاندارمه نك خدمت مخصوصه سی

مواد اساسیه

۱۴۸ - ولایتلرده ژاندارمه خدمتی خدمت عادیه
و خدمت فوق العاده ناملریله ایکیه منقسمدر . خدمت عادیه
هر کون و ایام معینه ده عدلیه و پولیس قومیسرلری و مأمورین
سائر طرفندن طلب و قوعنه حاجت اولمق سزین اجرا اولتان
خدمتدر . فوق العاده خدمت طلب و یا امر اوزرینه اجرا
اولتان خدمتدر .

۱۴۹ - بویکی نوع خدمتدن مقصد اصلی مالکک
هر جهته حقوق عمومیه و ملیکه و عسکریه بی وضبط و ترتیبی
و آسایشی تأمین ایتکدر .

برنجی فصل

ژاندارمه لرك خدمت عاديہ لری

برنجی قسم

ضابطہ عدلیہ و ملکیہ مأمورینی

۱۵۰ — ژاندارمه قرمغوللرینک خدمت عادیہ سی طریق عاملردہ و کوی یوللرندہ و ناحیہ لردہ و قریہ لردہ و چفتلک و اورمانلردہ و الحاصل کندی. دائرہ لری داخلندہ بولسان محللرک کافہ سندہ طولاشمق و قول کز مک و حبس خانہ لری خارجاً محافظہ ایتمک و عدلیہ مأمورلرینک اجرا سنہ مقتدر اولہ مدقلری و معاونت ضابطہ یہ احتیاج حاصل اولان ایشلردہ قوللانمق کبی شیلردن عبارتدر.

۱۵۱ — هر ناحیہ اقلی آیدہ ایکی کرہ دور ایدیلور. مخبرات و مراسلات ملکیہ ایچون چاوش و اونباشی و نفرات طرفلرندن وقوع بولان عزیمت و عودت لر دوردن معدود وکلدر.

۱۵۲ — انشای دورده چاوش و اونباشی و نفرات کچدکلری یول اوزرندہ برکونہ جنحه و جنایت و یاخود قباحث و وقوع بولوب بولمادیغنی حکیمانہ و مدبرانہ برطورایلہ یولجیلردن سؤال ایدر لر و بوندن ماعدا ناحیہ لردہ مدیرلردن و پولیس و مختار و سائرہ کبی مأمورلردن دخی بونوع معلومات اخذ ایدر لر.

۱۵۳ — جنحه و جنایت و قباحث اصحابنسک کیزلنمش اولدقلری محللری و اسکان ایشدکلری یرلری و اشکال و اسامیسنی

او کرمکه چالیشور لر وشاهد لر طرفدن حسن رضالریله ویریلان معلوماتی اخذ وایدیلان افاداتی استماع ایله شاهدلری اجبار ایتمکسزین افادات واقعه لرینی امضا ایتمکه کندولرینی دعوت ایدر لر. در حال اشبو مجرملری دردست ایچورتحریات لازمه اجرا واقتضا ایدر ایسه قانون نامنه اوله رق توقیف دخی ایدر لر .

۱۵۴ — اشخاص مذکور مک اوزرلرنده ظهور ایدمک اوراق معاینه اولنه رق اسملری وحاللری واقامتگاهلری وزرمدن کلدکلری آکلاشیلوب کندیلرینک اول آدم لر اولدقلرینه امنیت کامله حاصل اولدقدن صکره دردست ایله جنحه وجنایت وقباحث ایله مظنون علیه ویا سرسری طاقندن اولدقلری حالد اصولی وجهله ضبط ورقه سی تنظیم ایدر لر . فقط سرسری ویاخود اخلاق مذمومه اصحابندن اولدقلری ظنیله توقیف اولنالنردن کندی طور وحرکتلریله وبر شهادتنامه ایله ویاخود مرورتذکره لرینک مندرجاتی ایله قباحثسز اولدقلری آکلاشیلان اشخاص در حال صالیوریلور .

مظنونلرک اوزرلرنده بولنان اوراق واشیا تعداد وتوقیف ایله ضبط ورقه سنه قید اولنور واشبو ضبط ورقه سی اشخاص مرقومه یه وممکن اولدینی حالد اخذ وکرفت اولنان محکم الیقین بولنان اهالیدن ایکی کشی یه امضا ایتدیریلور. اهالیدن اولنلریازیلری اولمدیفندن ناشی امضایه مقتدر اولدقلرینی ویاخود تمهیر ایتمک وامضاله مق ایستمدکلرینی بیان ایدر لر ایسه بودخی بشقه جه ضبط ورقه سنه درج اولنور ومظنونلر

حکومت محلیه دن بولان ضابطه عدلیه مأموری حضورینه کورتوریلوب اوراق و اشیا لری ایله تسلیم ایدیلورلر. سرسری حالنده بولان واون ایکی یاشنه قدر اولان چوققلر حبس ایدیلیوب حکومت ملکیه مأموری حضورینه کورتوریلور. هر شخص حبس اولنمازدن اول اوزری لایقیله ودقت ایله آرانیلور.

۱۵۵ — 'مشهوداً ایقاع جرائم ایدن کیسه لر دردست اولنور.

۱۵۶ — قتل وجبر و یاخود شکست ایله اولان سرقت فعلی و اثر و نشانه براقان کافه جرائمک ضبط ورققلری همه حال تنظیم اولننی لازمدر.

۱۵۷ — ژاندارمه ضابطان و افرادی حریق و صوطفیانی کبی وقوعات ظهورینی خبر آلدقلری و یاخود اشارتله کندولرینه بیلدیرلدیکی حالده در عقب محل و قعه یه کیدرلر و اضاعه وقت ایتمکسزین ژاندارمه طابور قومانداننده خبر ویررلر. اورالرده پولیس ضابطی و یاخود حکومت ملکیه دن بر مأمور یوله مدقلری تقدیرده ژاندارمه ضابطانی و قره غول قوماندانلری در حال ایجاب ایدن کافه تدابیری اجرا ایتدیررلر و تهلکه ده بولان اشخاصی قور تار مق ایچون اللرندن کلان مساعی و غیرتی کافه ایضا ایدرلر و ایجابی حالنده اهلینک معاونتنی طلب ایلرلر. اهالی دخی در حال ایدیلان دعوته اجابته و مخاطرمده بولان اشخاصی و اشیا و املاکی تخلیصه یاردم ایتمک ایچون لازم کلان آت و آرایه و سائر لزومی اولان اشیا یی دخی اعطایه

مجبور در لر . بوباید امتناع ایدن لر اولدینی حالده ژورناللره
درج اولنور .

۱۵۸ — بر حریق وقوعنده قره غول قوماندانی همان
حریق محله کلدیکی کبی حریقك اوکنی کسمک ایچون کافه
تدابیری اجرا ایدر و حریق وقوع بولان خانه یی تخلیه و اشیا
ومفروشاتک نهب وزارت اولنسنی منع ایده بیلیمک ایچون
مناسب محللره نقطه لر تعیین ایدر لر و خانه لرده و چاتی آره لرنده
و بودروملرده و خانه لرك خارچنده اولان بنالرده یالکزر خانه
خلقنک و آتشی اطفا ایچون جلب ایدلش اولان عمله نك
کیروب چیقمسنه مساعده ایلر . املاک صاحب لری طرفندن
کوستریلان انبار لرده بولنان اشیا ومفروشاتک بوشادلمسنه
نظارت ایله حمایه و حریق ظهور ایدن محللرده باروت و غاز
کبی اشتعالنده مخاطره بولنان اشیا و اجزا بولنوب بولنمدینی
تحقیق ایله دها بیوک بر قضا وقوع بولماق ایچون اول باول
انلرك تخلیه سی چاره سنه باقار .

۱۵۹ — ژاندارمه ضابط و یاخود چاوش واونباشی
ونفراتی اعصاب املاکدن وقوع شولرندن حریقك او جاقلر دنی
یوقسه خانه ده بولنانلرك عدم دقتلرندنی و یاخود قابل احراق
اولان اشیا نك آتسه یقین اوله رق بر اقلمسندنی و یاخود
اثر جنایت اولدینی ظن ایتدیرن اسباب سازه دنی وقوع
بولدینی تحقیق ایدر لر .

۱۶۰ — افادات واقعه نك بعض اشخاصه شمولی اولدینی
واشخاص مرقومه نك محل وقعه ده بولندینی آ کلاشلدینی

حاله قره غول قوماندانی در حال انلری جلب ایله استنطاق ایدر و بونلرک ویردکلری اجویه حریقک ظهورنده مدخلی اولدقلرینی ظن ایتدیرر ایسه انلری دردست ایله یا ضابطه عدلیه مأمورینک و یا خود بلوک قوماندانک ورودینه انتظار ایلر و بعدله لازم کلان تداییری اتخاذا ایچون آلدینی کافه معلوماتی حاوی تنظیم ایده چکی ضبط ورقه سنی مدعی عمومی به ویرلمک اوزره ضابطه عدلیه مأمورینه و یا بلوک قومانداننه اعطا ایدر .

۱۶۱ — حریق محللرینه کیتمش اولان ژاندارمه مفرزه لری آتشک اطفا و املاک و اشیانک وقایه و محافظه سی و مجرملرک توقیف لری ایچون کندولرینک وجودینه لزوم قالدینی آکلادقدن صکره اقامتگاهلرینه عودت ایدرلر .

۱۶۲ — ژاندارمه لر یوللرده و محضرالرده و یا خود وصولرده جنازه بولدقلرنده کندی مرجعلرینه و بلوک قوماندانلرینه با تقریر اخبار کیفیت ایدرلر . قوماندانلر کندیلرینه خبر ویرلدیکی حالده بللذات جنازه نک بولندینی محله کیتمهک مجبوردرلر .

۱۶۳ — ژاندارمه لر جنازه نک بولندینی محله کلدکلرنده جنازه نک حال و وضعیتله نشانه وفاتی و اوزرنده بولنان البسه سنی و جنازه قتل اولنش اولدینی حالده جنایتک وقوعنده قوللانلرینی ظن اولنان اسلحه و آلات سائر نک احوالی و بولندینی محلی و جنازه نک اوزرنده و یقیننده بولنان اشیا و اوراقی کال دقت ایله تحریرله ویره چکی ژورناله بوللری

تماماً درج ایدر وعدلیه مأمورینک و ژاندارمه ضابطنک و رودینه قدر کیمسه نك جنازه یه واشیای مذکورمه ال سورمامسنه دقت ایلر. ژاندارمه لر بو خصوصده شهلی کورینن اشخاصی توقیف وایشی عائد اولدینی مأمورلر تسلیم ایچون فرارلرینه میدان ویرمامک اوزره اقتضا ایدن واسطه یه تشبث ایدرلر .

۱۶۴ — عدلیه مأمورلرینک و یاخود بلوک قومانداننک و رودینه قدر چاوش و اونباشی و نفرات جنایتک فاعلرینی و شریکله رینی اله کچورمک اوزره متوفانک اقربا و دوست و قومشولرینک و ایجاب ایدن اشخاص سائر نك افاداتنی اخذ ایدرلر .

۱۶۵ — ژاندارمه لر دور و مخبره ایچون طولاشدقلری و قول کزدکلری ائناده و اقامتگاهلرنده بر معتاد اجرا ایلدکلری خدمت زماننده سابقه لیلری و سییللری تخلیه ایدلمش اولان محکوملری نفی و تغریب ایدیلانلری و اذهان ناسی تحذیش ایدمک حال و حرکته بولنمق و آسایشی اخلاص ایلک عزمنده بولسانلری صورت دائمه ده کوزمه در ورخصتسز اوله رق کندولرینه تعیین اولنان اقامتگاهلرندن غیوبت ایدنلری در حال خبر ویرر و بونلرک کینه و اشکالنی حاوی بوصله سنی یقین بولنان ژاندارمه قره غوللرینه کوندرر. بومثللو فراریلری تعقیب ایلله در دست ایتدیکی حالده مرجعی بولنان حکومه تسلیم ایدرلر .

۱۶۶ — ژاندارمه لر ممالک عثمانیه داخلنده مرور تذکره لری اولمقسزین کزنلری و یاخود نظامه موافق اولمیان تذکره ایلله سیاحت ایدن ورخصت تذکره سی اولمقسزین سلاح

طاشیان اشخاص واجانبی آلیقویوب انلری در حال اک یقین بولنان حکومت حضورینه کتورر. بناءً علیه هررتبه ده بولنان ژاندارمه افراد عسکریه سی بولجیلرک مرور و سلاح تذکره لری معاینه ایدرلر. ژاندارمه لر خدمت مذکوریه بی کمال نزاکت و تربیه و حسن معامله ایله اجرا ایتمک و هیچ برکونه سوء معامله و ازعاج ایتماکه مجبوردر.

۱۶۷ — ژاندارمه لر بر شخصک بالکز مرورتذکره سی معاینه ایتمک بهانه سی ایله اقامت ایلدیکی او طه سنه دخول ایده مز. اشبو معاینه بولجینک اسکله ویا استا-یونه ورود و عزیمتی وقتده ویا خود خان ولوقطه ده ایسه عموم بولجی به عائد جمعیت محنده یعنی قهوه و آشجی دکانی کبی محله دخولنده اجرا اولنور.

۱۶۸ — اشخاص مضرمک و سارق و قاتل اولانلرک

و آسایش عمومی بی اخلال ایدنلرک و حبس خانه لردن و کورکدن فرار ایلانلرک و حق لرنده توقیف مذکره سی ویریلان اشخاص سائر نکینه و اشکال لری ژاندارمه لره بیلدیریلوب بولنر دخی اشخاص و مجرمین مرقومه نک توقیفی حالنده انلری قره غولدن قره غوله تسلیم ایده ایده مذکره بیان ایدیلان محله قدر کوندر لرر و جلب و احضار و موقت و غیر موقت توقیف مذکره لری بولنری ویرنر طرفدن مهر ذاتی و مهر رسمی ایله مهر لنش اولمیلدر و تاریخ لری بولنمیلدر و ممکن مرتبه صریح اوله رق مظنونک اسمی و حالی بیان اولنمیلدر و غیر موقت توقیف مذکره لرنده مظنون علیهمک نه جرمدن طولانی توقیفی لازم گلش اولدیقی و او جرمدن دخی جنایت و یا خود جنحه نوغندن بولندیقی

کوستن ماده قانونیه بی درج وتصریح ایتمک لازمدر .
۱۶۹ — کنبه واشکالی بیان اولنان ویاخود توقیفلی
 قانوناً امر ایدیلان اشخاصی تحری ایلمک ایچون چاوشلر
 واونباشیلر ونفرات خان وقهوه خانه ومیخانه لری واهالی
 ایچون آجیق بولنان سائر محللری کیدوب معاینه ایدرلرواشبو
 محللرک صاحب ویاخود مستأجرلرینک یولجیلری قیدایتمکده
 اولدقلری دفترلی کورورلر . ژاندارمه لر طرفندن طلب
 وقوعنده اشبو دفترک ارائه ایدلسندن امتناع اولنه ماز .
 بودفتلرک طوتلمسندمه برکونه دقتسزک وتکائل کوردکلری
 حالده کیفیتی بازورنال اول محک مدیرینه ویا پولیس مأمورلرینه
 بیلدیرلر . دفاتر مذکورہ نک ابرازنده مخالفت ایدنلر جزا
 قانوننامه هایوننسک ایکی یوز اللی التجی ماده سی موجبنه
 مجازات ایدیلورلر .

۱۷۰ — تحریات ایچون ژاندارمه نک اهالی خانه لرینه
 کیرمسی ممنوعدر . آنجق قانونده مصرح اسبابدن بریله
 ویاخود حکومت طرفندن ویریله جک امر مخصوص ایله
 کوندوزخانه تحریسی جائزدر . حریق وصوباصمه سی ظهورنده
 ویاخود خانه نک ایچروسندمه حسبالایجاب برطلب وقوعنده
 کیجه دخی دخول ایدیله بیلور . بونلرک غیری اسباب ایله
 کیجه خانه تحری اوله میوب هر حالده شمسک طلوعنه انتظار
 اولنق واولوقته قدر اول محلی تحت محافظه ده بولندیرمق
 لازمدر . شوقدرکه فوقالعاده برحالدن طولایی طرف
 حکومتدن کیجه دردست وتحریسی ایچون ویریلان امر
 تحریری افذاذ اولنور .

۱۷۱ — یوزیکرمی یدنجی ماده ده بیان ایدیلان احوالک
خارجنده ژاندارمه لر خانه صاحبک رأینه قارشو بر خانه یه
دخول ایده مزلر . اعلاماتک تبلیغه مأمور اولدقلری حالده
بولرک خلاصه سنی و یا حامل اولدقلری مذکره لری کیرمزدن
اول خانه صاحبه ابراز و ارائه یه مجبوردرلر .

۱۷۲ — مقدما حقنده توقیف امری ویرلش و یاخود
بر جنایت و یا جنحه ایله مظنون علیه اولوبده حقنده
هنوز توقیف امری ویرلماش بر شخص احاد ناسدن بریسنگ
اوینه التجا ایلدیکی ظن اولنور ایسه ژاندارمه لرک اول خانه یه
کیرملری حقنده لازم اولان امرک و یاخود اول خانه نک
آجدرلسنه حق اولان مأمورک ورودینه قدر یالکزر خانه
قوشادیلور و یاخود کوزمه دیلور .

۱۷۳ — بویولده توقیف ایدیلان اشخاص درعقب اک
یقین بولنان ضابطه عدلیه مأموری حضورینه کتوریلور
واوزرلرنده بولش اولدقلری اسلحه و اوراق ایله ثبوته مدار
اولان اشیای سائره دخی برلکده تسلیم ایدیلور .

۱۷۴ — ژاندارمه لر عموماً ذخائر و مأکولاتک بالخاصه
سربسته نقل اولمنسنی حنایه یه و بوکا جبراً مخالفت ایدنلری
اخذ و کرفته دخی مأمورددرلر . بناء علیه کرک نهب و غارت
افکاری ایله و کرک دیگر بر سبب ایله حبوباتک سربستی اوزره
نقل اولمنسنی منع ایلمک مقصدیله اداره لری داخنده بولنان
بر محله بر طاقم خلکک تجمع ایلدیکنی خبر آلدقلرنده همان
اول محله کیدرلر .

۱۷۵ — ژاندارمه لر قوانین و نظاماتك اجرای احكامنه مخالفت ایدن اشخاصك جمعیتی طاغیدر لر واهالینك امنیتنه و خکومنه و مأکولات تجارتنه و صنایعك سربستی اجراسنه مخالف اوله رق اهالی بیننده وقوع بولان هر نوع فسادك اوکفی آلر لر . محبوسین و محکومینك سیلرینی تخلیه ایلمك و یا املاك میریه یی باصمق و یا خود املاك شخصی یی غارت و تخریب ایتمك ایچون مسلح و غیر مسلح وقوع بولان هر کونه جمعیتلری منع ایدر لر . بر جمعیتی تشکیل ایدن اشخاصدن برقچی آشکار و یا کیزلی اسلحه یی حامل اولدقلری و یا خود بو جمعیتده برکشی سلاحی حامل اولوبده مرقوم در عقب جمعیتدن طرد و اخراج اولمیه رق رفاقتلرنده قبول وابقا ایدلدیکی حالده اشبو جمعیته مسلح جمعیت دینور .

۱۷۶ — ژاندارمه بروجه آتی احوالده اسلحه استعمالنه مآذوندلر :

۱ کندی اوزرینه تعرض ایدوب جانی تهلكیه قویان اشخاصه قارشو مدافعه نفس ایچون .

۲ جرم مشهودك فاعلی و یا خود شخص مظنون انسانی توقیفنده ژاندارمه نك امرینه سلاحله عمامت ایدرایسه .

۳ توقیف اولسان بر جانی شریر فرار ایدوب طور امرینه اطاعت ایتمز و قالامق ایچون سلاح استعمالندن بشقه برچاره بولمازسه .

۴ اشقیای تعقیبی صبره سنده یتاق اولان محللرده شبهه لی بر شخص ظهور ایدر و ژاندارمه نك طور امرینه امتثال ایتموب فرار ایلرسه .

هرحاله ژاندارمه بریشه تدبیر اتخاذیله مقصد مطلوبك
حصوله امكان اولدیغنی تقدیرده سلاح استعمالی صوك بر
واسطه اولدیغنی ایوجه بیللمی ومهما امکن اتلاف نفوسه
بادی اولق ایچون ایدیلان تعرضه مقابل نه درلو ونه درجه یه
قدر سلاح استعمال ایله جکنی تقدیر ایلملیدر .

بالاده ذکر اولنان خصوصاتدن ماعدا احوالده ژاندارمه
سلاحك استعمالدن طولایی مسئول اولوب بو احوال
خارجنده استعمال سلاح ایله یکی حالده قارشوسنده کی کیمسه نك
مسلح ویا غیر مسلح اولسك دخی نظر دفته آلمسی ایجاب
ایدر .

۱۷۷ — بین الاهالی وقوع بولان فسادك اوراده کی
ژاندارمه طرفندن اسلحه استعمالیله بیله تسکین ایدیله میه جکی
آکلاشلد قده فسادك رئیسری ایله سبیت ویرنلرخی علی الاسامی
سریماً ضبط ورقه سیله حکومت محلیه یه بیان ایتمکله برابر درحال
حکومت محلیه ایله طابور ویا بلوك قوماندانی واسطه سیله
یقین بولنان ژاندارمه قره غوللرینه ولزوم کوریلور ایسه عساکر
نظامیه ویا ردیف قوماندانلرینه مراجعت وامداد طلب اولنور .

۱۷۸ — ژاندارمه قره غوللری قانونك حکمنی تماماً
انفاذ واجرا ایله آسایش محلی بی اعاده ایتدکجه محل فسادی ترك ایله
اقامتگاهلرینه عودت ایده میه جکدر . هر برجعت فسادیه نك
اجتماعندن اول واجتماعی اناسنده و طاغلقدن صکره
وقوع بولان بالجمله حالاتی حاوی مفصل بر ضبط ورقه سی
تنظیم ایدر لر ودر دست ایتدکری اشخاصی قاجیر تمامق

ایچون ایجاب ایدن تدابیر تشبث ایله تحت الحفظ مدعی عمومی
حضورینه کتوردرلر .

۱۷۹ — حکومت سنیه نك مساعده سیله اجرا ایدیلان
مراسم دینییه نك ایفاسنه مانع اولمق و یا خود برقاج کشی علیهنده
تعرض و ضرب ایلمك کبی استراحت عمومی بی اخلال ایده جك
اویغونسز حرکاته جرأت ایدنلر ك كافه سنی ژاندارمه لر اخذ
و گرفت ایدرلر .

۱۸۰ — ژاندارمه لری وظیفه لرینی اجرا ایتدک لری
اثناده تحقیر ایدنلر طوتیلوب حقنده معامله قانونیه اجرا
اولمق اوزره درحال حکومت محلیه کوندریلور .

۱۸۱ — ژاندارمه یوللرده کتب و اوراق مضره نقل
ایدنلر تصادف ایلر ایسه کتب و اوراق مذکوره بی ضبط
و متجاسر لرینی توقیف ایلر و کمرکدن مال قاجیرانلر ایله
رسومات سائرده دن طوز و مسکرات و دخان کبی اشیا آشیانلر
تصادف ایتدکلرنده بونلری منع و بو یولده طوتیلان اشیایی
ضبط ایدرلر و قچاقچیلنك منعی ایچون طلب و قوعنده مرجعی
اولان دواژك قوجیلرینه نظامی دائره سنده معاونت ایدرلر
و متجاسر لرینی دخی عائد اولان دواژه تسلیم و محل توقیفی
و استعمال ایلدک لری و وساطی و وقوع بولان مخالفتی حاوی ضبط
ورقه سی تنظیم ایدرلر .

۱۸۲ — پوسته لرك حین نقلنده امر محافظه لری ایچون
موقع و محللك ایجابنه کوره لزومی قدر محافظ ژاندارمه تعیین
و ترفیق ایدیلور .

۱۸۳ — پوسته‌خانه دروننده پوسته چانه‌لری اولوبده
محافظه‌سنة لزوم کورلديکی حالدہ مأموری طرفندن وقوع
بوله‌جق مراجعت اوزرینه لزومی قدر ژاندارمه تعیین
ایدیلهرک محافظه اولنور .

ایکنجی قسم

بوللرک وقیرلرک صورت محافظه‌لری

۱۸۴ — ژاندارمه‌لرک باشلوجه وظیفه‌لرندن بری طرق
عمومیه‌بی محافظه ایلہ یوجلیرک سلامت مرورلرینی تأمین
ایتمکدر . بناءً علیه جاده‌لر اشیا وسائرہ ییغندیسی ایلہ‌قبا‌نمش
اولور ایسه کیفیت و جاده‌لر بوزولمش ایسه بوزو‌قلغ‌نک درجاتی
واسبانی ضبط ورقه‌سیله بیلدیرلر و جاده‌لرک بویله ییغندیلر
ایلہ و بوزولغله مروری تصعیب ایدہ‌جک حالہ کلمسنة سبب
اولنلرک کیم اولدقلرینی تحقیق ایلہ بوا‌یشده وظیفه‌دار اولان
مأمورلره خبر ویرلر . تلغراف خطک ادواتی نه صورتله
اولور ایسه اولسون قیرمش و یا بوزمش اولس‌لردن معروف
بول‌نلری ضبط ورقه‌سیله مأمورلرینه اخبار و غیر معروف
اشخاصی دردستله ضبط ورقه‌سیله‌ک یقین حکومت مأمورلرینه
تسلیم ایدرلر .

۱۸۵ — ژاندارمه‌لرشمندوفر سیرسفان قنال وکوبری
ولیمان کبی انشآت نافعیه مخصوص نظامنامه‌لر ایلہ اورمان
ومعادن وسائر نظامنامه‌لر احکامنه رعایت اولنمسنه دقت ایتمکله
برابر خلافتده حرکت ایدنلری ضبط ورقه‌سیله مقام عائدینه
بیلدیرلر .

۱۸۶ — یوللره و عموماً کشت و کذار اولنان محللرایله قلعه لرك اوکنه . واستحکامات اوزرلرینه دیکیلان آفاجلری هر نه وجهله اولور ایسه اولسون کسمکده و بوزمقده اولان و یاخود اورالرده بولنان آتاری و علی العموم آثار عتیقه یی تخریب ایدن اشخاصی دردستله ضبط ورقه سیله الک یقین اولان محله کی حکومت مأمورلرینه تسلیم ایدرلر . تیمور یوللرینی آرزوق تخریب ایلیانلری و یاخود آمدهدی منع ایلمک مقصدیله یول اوزرینه کراسته و یاخود اشیای سائر وضع ایدنلری و تللرک قیرلمسندن وادواتک بوزولمسندن و یاخود هرکونه واسطه ایله آمدهدی و مخبرات تلغرافیه یی منع ایلمک افکارنده بولنانلری طوتوب درعقب محللری حکومتلرینه کتوردرلر . احاد ناسک ساحل و سرحدلرده اولان انشآت و اعمالاتی و بوعمالاتک دخی مملکتک و سائر نک محافظه سنه مضر اولوب اولدقلرینی حکومت محلیه یه بیانه مجبوردرلر .

۱۸۷ — شهر و قصبه لر داخلنده و زقاق و میدانلرده مرور و عبورک تسهیلی و شهر و قصبه لرده انتظام معامله نک تأمین ایچون بلدیله لرحه تنظیم قلنان مقرراته تبعیت ایدلمسنه پولیس اولیان محللرده ژاندارمه طرفندن دقت ایدیلور و مخالف حرکاتده بولسانلر ضبط ورقه سیله مرجعه اخبار اولنور .

۱۸۸ — ابنای سبيله و یولدن چیقارک مزروعاته ایرات خسار ایتمک اوزره حیوانلرینی محافظه و ضبط ایتمک ایچون آراهه جی و سوریحیلری کندی حیوانلری یاتنده بولنمه مجبور ایدرلر و مخالف نظام اوله رق یوللری قیایانلری دردستله ضبط ورقه سیله حکومت محلیه یه تسلیم ایدرلر .

۱۸۹ — دقتسزلك وغفلتدن وكندى آتلىرىنىڭ سرعت سېر وحركتىدن وياخود سائر درلو اسبابدن طولاي يوللرده وزقاقلرده ايراث مضرت ايدىن وبرىنى جرح ايليان اشخاصى در دستله لك يقين اولان حكومت مأمورلىرىنى تسليم ايدرلر .

۱۹۰ — ژاندارمه لر حيوانات اهليه وبتيه يى مناسبتسىز ولزومسىز يره ضرب ايدنلر حقنىده باژورنال محلى ملكيه مأمورىنى وياخود پوليس ضابطه معلومات ويرلر .

۱۹۱ — ژاندارمه لر مزروعاتى حمايه ايله قريه واورمانلرده اجراى خسار ايدىن وديوار و خندك وچيتلىرى بوزان وياخود ميوه يى و مزروع اراضىنىڭ حاصلاتى سرقت ايليانلرى طوتار .

۱۹۲ — ژاندارمه لر زقاقلرده ويوللرده وميدانلرده براقلمش صبان تيمورلى و كوسكولى و تيمور قوللى ايله سائر زراعت آلاتى و زردبان و اشخاص مضرمك سوء افعاله استعمال ايتىسنه صالح سائر اشيايى قالدىروب صاحبلى آرانلىق اوزره حكومته تسليم ايدرلر .

۱۹۳ — ژاندارمه لر دور ايتدكلى و قول كزدكلى و طولاشدقلى محللرده امراض ساريه ظهورىنى خبر آلدىنى كى كىفتى در عقب مأمورىن ملكيه اخبار و امراض مذكورىنىڭ تاثيرىنى منع ايچون مضرمحت اوله بيلن ميوه وسائر مىڭ صانلديقتى كوردكلىرى مأمورىن عانده سنه معلومات اعطا ايدر وبلديه يه عانده خلاف قانون كوردىكى حالاتى اقتضا ايدىن دائره يه بيلد يرلر .

۱۹۶ — ژاندارمه لر یوللرده و یاخود قریه لرده حیوانات لاشه سی بولدقلری حالدده حکومت محلیه مأمورلرینه خبر ویرلر .

۱۹۵ — ساری حیوانات خسته لنی ظهوره کلان نواحیده دخی ژاندارمه طرفدن ماده سابقه ده بیان اولندیغی وجهله دقت وساری خسته لقدن هلاک و یاخود او خسته لقه دوچار اولوب بالا آخره تلف اولانلرک کنسیدی دریلریله کوململرینه نظارت ایدمه جکلردر .

۱۹۶ — ژاندارمه لر اوقات معینه ده زراعت قوانینه مخالف حرکت ایدنلرک کافه سنی حکومت محلیه یه بیلدیره جکلردر .

۱۹۷ — آوجیلردن قوانین ونظامات مخصوصه سنه مخالف حرکانده بولسان اشخاصی ژورنال ایدرلر وقانوناً ممنوع اولان آغ وطوزاغ وآلات سائرهبی ضبط ایدمه جکلری کبی خلاف نظام حرکت متجاسر اولان آوجیلر طرفندن ترک ایدیلان اسلحه بی اخذ ایلرلو آوجیلق ایتمک ممنوع اولدیغی اوقاتده آوجیلغی منع ایلرلر .

۱۹۸ — آوجیلرک سلاحی آلمق ژاندارمه لر ایچون ممنوعدر . یالکز آوجینک یدنده اسلحه ممنوعه اولمیدیغی حالدده آونظاماتنه مخالف حرکتدن طولای آوجینک سلاحی آله جنی کندوسنه بیان وسلاحک حال وشانی ایله نومروسی تحری ایله او سلاحی حکومته برابر کتورمسنی آوجی به تنبیه ایلرلر . فقط بوکامخالفت و ژاندارمه بی تهدید ایدنلری وتذکره سنی

۴. براز ایلمسی تکلیف اولدینی حالدہ کوسترمیوب قارشو قویانلری و ساختہ اسم سویلیانلری ویوزلری مستور بولان ویاخود کیجہلری آوجیلق ایدنلری دردست ایدرلو آوجیلرک یدندہ اسلحہ ممنوعہ کوریلور ایسہ اسلحہ مذکورہ نی برای مصادره کیفیتی حکومت محلیہ باזורنال اخبار ایلرلر .

۱۹۹ — ژاندارمہلر اورمان وصید وشکار نظاماتہ مخالف حرکت ایدنلری اخذ وکرفت ایتمک ایچون اورمان مأمورلرینہ معاونت ایدرلر .

۲۰۰ — ژاندارمہلر پنایر وپازار یرلرنده وتعطیل کونلرنده و آلایلردہ و رسمی اجتماع موقعلرنده وسائر بوکی زیادہ غلبہلق بولان محللردہ نظام وآسایشی وقایہ ایچون اومحللرہ یقین بولنورلر واقشام اوزری دخی اہالینک وتجار واصنافک عودتنی محافظہ ایتمک ایچون مذکور محللرہ متجاور اولان یوللردہ قول کزدیرلرلر .

۲۰۱ — پنایر وپازار یرلرنده قوانینہ وپولیس نظاماتہ منافی قمار وسائر اویونلری اوینایانلر توقیف ایدیلور .

۲۰۲ — ژاندارمہلر قرا ونواحیدہ کشت وکذارایلیان سرسری واویغونسز آدملرہ نظارت ایدرلر وحکومت محلیہ جہ معلوم اولیان وکندیلرینی طانتدیرہ جق برکونہ اوراقی حامل یولنیمان آدملری سالم الوجود اولدقلری حالدہ :

اولاً : شدت وتہدید ابرازیلہ

ثانیاً : اسلحہ ایلہ

ثالثاً : کیجہلری خانہلرہ کیرمک ایلہ

رابعاً : جمعیت وکثرت ایلہ

خامساً : ساخته شهادتنامه و ساخته مرور تذکره لری ایله
یاخود تام الاعضا اولدینی حالدہ کندوسنی علیل کوستر مکله
ویاخود تبدیل قیافت ایله .

سادساً : سابقه لی اولدقلری حالدہ

سابعاً : اهالی ویا مارین و عابرینی تعجیز و آخره تعدی
ایلمکی اعتیاد ایله سائلک ایدنلری اخذ و کرفه ایله ضابطه
عدلیه حضورینه کتورور .

۲۰۳ — هر نه صورتله اولور ایسه اولسون اهالی بر محله
تجمع ایتدکلری وقتده آسایشک خلل پذیر اوله بیله جکی
آکلاشلد قده بلوک قوماندانی بولنان ژاندارمه ضابطی قائم مقام
قضا ایله بالاستشاره لزوم کورلدیکی ویاخود مأورین عانده سی
طرفندن طلب وقوع بولدینی حالدہ برقاج اونباشی قره غول
مفرزه سنی جلب ایله محل اجتماعه سوق ایده بیلور و کندوسنک
دخی محل خدمتده بولنسنه لزوم کورینور ایسه بالذات
مذکور مفروزه لره قوماندا ایدر ولدی الایجاب بر شهر و قریه
خدمتی ایچون برقاج قره غول مفروزه سی جمع اولدینی وقتده
بلوک قوماندانی اولان ضابط اشبو مفروزه لره باشنده بولنور
ویاخود ضابط مومی الیه بلوک ملازملرندن تنسیب ایده جکنی
بولندیرر .

۲۰۴ — تجارت و صنعتلری اقتضاسنجه سیاحته مجبور
اولان تجار و اصنافه و سائر کافه اشخاصه امنیت بخش اولوق
و تجارت داخلیه یی حمایه ایلمک ایچون ژاندارمه چاوش
واونباشی و نفراتی هر آن وزمان قیرلرده وایجاب ایدن محالدرمه
کیجه قول کز مک و پوصو طومنه مجبوردرلر .

اوچنچى قسم

ژاندارمه نك ضابطه عسكرىه وظائفى

۲۰۵ — ژاندارمه قره غوللرى تصادف ايلدكلرى عسكرى

فراريلرىنى وبقاياسنى آرايوب توقيف ايتمكه مأموردرلر .

۲۰۶ — ژاندارمه لر برفرارى يى ودعوتة اجابت ايتيان

افراد عسكرىه يى كيزليان وياخود فرارىنى تسهيل ابايان
وياخود بونلرك منسوب اولدينى قطعه عسكرىه يه عودتنى تأخير
ومنع ايدنلرى عدليه مأمورلرينه بيلديرلر .

۲۰۷ — ژاندارمه قره غوللرينك قوماندانلرى كندى

معرفتلىله طوتيلان وياخود كندولرينه تسليم اولنان فرارى يى
ويا فرارى ظن اولنانلرى ژاندارمه طابور قومانداننه ايصال
اولنجه يه قدر قره غولدن قره غوله تسليم ايدم ايدم كوندردلر .

۲۰۸ — برمحله توقيف ايديلان فرازيلرك منسوب

اولدقلى قطعه عسكرىه سنجاق مركزندن دها يقين ايسه

انلر طوغرىجه اول قطعه عسكرىه يه كوندريلور وتسليم

ايدلديكنه دائر علم وخبر آلنور . برفرارينك هانكى قطعه

عسكرىه دن فرار ايلديكى آكلاشيلور وبالمخابره صحىحاً اورايه

منسوبيتى ثابت اولور ايسه اول قطعه يه سوق واعزام اولنور .

اشبو تحقيق ومخابره معامله سى مذكور قطعه عسكرىه آلتى

كونلك ودها زياده مسافده بولندينى حالده اجرا اولنوب بو

معامله نك اجراسى مدتجه فرارى تحت توقيفده بولنديريلور .

۲۰۹ — اهالی طرفدن طوتلمش اولان فراريلرايچون
ژاندارمه لر علم و خبر تنظيم و فرارينك دردست اولنديني
محلده كي ژاندارمه ضابطنك اك بيوكي طرفدن دخی تصديق
اولنه رق فراری بي طوتانلره اعطا اولنور .

۲۱۰ — فراريلرك كنيه واشكال پوصله سي جهت
عسكريه دن كندولرينك تولد ايلدكلري وياخود عسكرمه داخل
اولدقلى محللك مربوط اولديني ژاندارمه طابوري قوماندانه
ارسال اولنور . طابور قوماندانلري دخی مذکور كنيه
واشكال پوصله سي اوراق مياننده حفظ ايدر و برر صورتی
دخی ژاندارمه بلوكي قوماندانلري وساطتيله ژاندارمه
قره غوللرينه كوندورر. دعوته اجابت ايتميان افراد ردیف
دواثری طرفدن عائد اولدقلى محللك ژاندارمه بلوك قوماندانلرينه
كوندريله جك اشكال پوصله سي موجبجه تحری ايديلور .

۲۱۱ — دعوته اجابت ايتميانلرك و فراريلرك كنيه لری
كالم دقتله حفظ ايدملك وطوتلنجه يه قدر وياخود طوتلمش
ويا كندولكلرندن كلش اولديغلك خبری ورود ايدنجه يه
قدر آرمه غه دوام اولنق لازمدر .

۲۱۲ — ژاندارمه قره غوللری داخل اسنان اولديني
سن وحاللرندن استدلال اولنان يولچيلرك مرور تذکره لريني
يوقلارلر. دعوته اجابت ايتماش اولنلرك تحريسي امرنده قائم مقام
ومدير ايله مشاوره ايدوب انلر دخی بونلرك صاقلاندقلى
ظن اولنان محللره دائر دسترس اوله جقلری معلوماتی
ژاندارمه لره بيان ايدرلر .

۲۱۳ — طابور قوماندانلرندن بری افراد عسکریه دن دعوته اجابت ایتماش اولان کیمسه نك دیگر بر سنجاغه صاووشمش اولدیغنی تحقیق ایلد کده در حال کیفیتی اشبوشنجاغك ژاندارمه قوماندانه اشعار و کینه سنی دخی ارسال ایدر .

۲۱۴ — اخذ عسکر ایچون دواثر عسکریه دن تعیین اولنان مأمورلر قرعه نومروسی چکمك اوزره قضالره کلدکلی و قتلرده ژاندارمه لر وظائف مخصوصه لرینه خلل کلمکسزین قرعه مأمورلرینه معاونت ایدر لر .

ایکنجی فصل

مخابرات و محبوسینك نقللری

برنجی قسم

محبوسین ملکیه نك صورت نقللری

۲۱۵ — ژاندارمه قره غوللرینك وظائف معتاده لرندن بری جوار بولنان قره غوللرینتده کی مسافه نك معین بر نقطه سنده و اوقات معینه ده تأسیس مخابره و ملاقات ایتمك اوزره دوریه لرک ترتیب اولمیسیدر .

اشبو دوریه لرک برلشه جکلری نقطه لر ممکن اولدیغنی قدر قره غوللره مساوی مسافه ده باقی اولمسیله برابر مخابره و ملاقات خدمته مأمور چاوشان و اونباشی و نفرات کندولرینه تسلیم اولنان اشیایی و محبوسلری دور و تسلیم ایدنجیه قدر کندولرینك و یانلرنده بولنان اشیا و اشخاصك موقتاً بارینه بیلملرینه صالح صورتده اولمیدر . سفائن تجاریه ایله نقل اولنه جق محبوسلر محل معینه قدر ژاندارمه لر معرفتیه کوندرلمیدر لر .

فقط محبوسلر بکک کیلر ایله کوندریلور ایسه بو محبوسلر کینک قبودانه تسلیم اولنورلر . قبودان دخی انلری محل معینه کوتوردکه اکر حکومت طرفدن سفینه یه ژاندارمه دخی کلش ایسه طوغریدن طوغری یه انلره وکلماش ایسه کندی سلاح اندازلری واسطه سیله قره یه چیقاروب ژاندارمه یه تسلیم ایتدیرر. ژاندارمه لر محبوسلرک انئی راهده قاجلرندن مسؤل اولدقلرندن یو باده لازم کلان محافظلرک تعیین مقداری ژاندارمه یه عاندر .

۲۱۶ — اوقات معینه ده اشبو مخبرات وملاقاتک اجرایی قره غولدن قره غوله محبوسلری وانلره متعلق اولان اوراقی تسلیم ایتک ومخبره وملاقات مواقعه کیده جک چاوشان ونفراط طرفدن بر مخبره وملاقات زمانه قدر مرورایدن مدت ظرفنده آسایش عمومی یه طوقنور کافه وقوعات اوزرینه آلدقاری معلومات وحوادثی بر برینه بیلدیرمک ومعلومات آلدقاری اشخاص مضره نک وسابقه لی آدملرک آرانلسی ایچون مذاکره ایتک وجبسخانه لردن وکورکدن فرار ایله جنحه وجنایت ایله مظنون علیه بولنانلرک کنیه واشکاللرینی بیلدیرمک والحاصل انتظام عامه یی اخلال ایده بیلان کافه احوالک منعه ومتجاسرلرینک تأدینه معاونت ایچون اتخاذاولنه جق تدابیر اوزرینه یکدیگرینه معلومات ویرمک مقصدینه مبتیدر .

۲۱۷ — مظنون ویا محکوملرک سوقی ایچون ایجاب ایدن سوق علم وخبرلرینک ترتیبی ومحبوسلرک محافظه لری ایچون اقتضا ایدن چاوش واونباشی ونفراک محبوسینک عددینه نظراً فرارلرینه میدان ویرلیه جک نسبتده مقدارلرینک تعیین

محبوسلرک سوق ایدلیدیکی موقعده بولنان ژاندارمه لرک الک بیوک ضابطنه عاندر . محافظلر تعدد ایتدیکی حالده ایچلرنده رتبه سی دیکرلرندن بیوک اولان ورتبه جه مساوی اولدینی حالده الک قدملیسی بولنان محافظه مفرزه سی قوماندانلغنه نصب و تمین اولنور . ارکک محبوسلر ایله قادین محبوسلر آیری آیری اوله رق کوندریله جک وقادینلره ترفیق اولنان ژاندارمه نفراتی الک امنیتی آدملردن بولنه جقدر .

۲۱۸ — مظنون و محکوملر جهت عسکریه وعدلیه ویا ملکیه طرفندن ویریلان امر اوزرینه سوق ایدلیدیکی حالده ژاندارمه ضابطی طرفندن ترتیب اوله جق سوق علم و خبرلرینه اشبو امرلرک برر صورتی ربط اولنوب اشبو اوراق مظهروفاً نقل محبوسه مأمور اولان محافظ قوماندانه تسلیم اولنوب اوراق مذکورہ نك عدد وانواعی و محبوسک اشکالی مین آچیق و مصدق برپوصله دخی ویریلور . محافظ قوماندانی مذکور اوراق و محبوسی کوتوروب ژاندارمه قره غولنه تسلیم ایدلیکنی مین برعلم و خبر آلور .

۲۱۹ — مظنونلر و محکوملر متعدد بولنورلر ایسه ایچلرنده بریسی خسته لندینی صورتده اوراقی ایله برابر ایجاب ایدن محله تسلیم ایده بیلیمک ایچون مظنون و محکوملرک هربری ایچون آیری آیری سوق علم و خبری یا بلملیدر .

۲۲۰ — برژاندارمه قره غولنک اقامتگاهنده حبسخانه بولمیدینی حالده محبوسلر و مظنونلر ژاندارمه قره غولخانه سنک امنیتی براوطه سنه وضع اولنوب ایرتسی کون ویا خود مخابره

وملاقات ایچون تعیین اولسان کونه قدر اقامتگاه مزبورک ژاندارمه سی واسطه سیله محافظه اولنورلر . اکر محبوسلر قادین وارککلردن مرکب بولنور ایسه قادینلر مناسب بر محله حفظ اولنق اوزره حکومت محلیه تسلیم اولنورلر . ناحیه مدیرلری محکوملر ومظنونلرک ییه جکلرینی تدارک ایتدیکی صورتده مأکولات ژاندارمه طرفدن ویریلوب مؤخرآ انمانی حکومتدن طلب اولنق اوزره ژورنالی ترتیب اولنور .

۲۲۱ — مظنون ومتهملردن کندیلرینک مصارف نقلیه سی ایله محافظلری بولان نفراتک عودت مصارفی تسویه ایدنلرک طوغریدن طوغری به محل معینلرینه نقل اولنمسنه مساعدده اولنه بیلور . فقط بوصورتله نقللرینه مساعدده ایدن مأمورین عدلیه نک تعیین واران ایده جکی تدابیر احتیاطیه به محافظلرک تبعیت ایتلری لازمدر .

۲۲۲ — کندولرینه محبوس تسلیم اولسان ژاندارمه محافظ قوماندانی محبوسلری تسلیم ایده جکی قره غول قوماندانه محبوسلرله برابر بونلرک نقلنه دائر اولان امرلری واوراق سائره بی دخی تسلیم ایدر . قوماندان دخی دفتر مخصوصه اسمی محبوسینی ومقدار اوراقی وکیده جکلری محلی قیدایدروا ساعتدن اعتبارآ نقل محبوس ایشندن طولایی مسئول بولنور ومذکور قید معامله سی محبوسینی کتورمش اولان محافظ قومانداننک اوکنده اجرا اولور وتسلیم آلان قره غول قوماندانی ایله تسلیم ایدن محافظ قوماندانی برلکده دفتری امضا ایدرلر .

۲۲۳ — ماده سابقه ده بیان اولسان اصول متوالیآ

هر قره غولده اجرا اولور . صوك محافظ پوسته سی مظنون ویاخود محبوسلرک تسلیمندن صکره یدنده بولنان اوراقی دخی تسلیم ایدوب بر مقبوض علم و خبری آلور . مذکور صوك محافظ پوسته سی قوماندانی بوصورتله وقوع بولان تسلیمی دفترینه قیدایلر و حین حاجتده ابراز ایلمک اوزره مذکور مقبوض سندینی اوراق سائر ایلله برابر حفظ ایدر .

۲۲۴ — محبوسلری کتورن ژاندارمه لر عودت لرنده هیچ بریره کیتمکسزین و بر محله اکنمکسزین طوغریدن طوغری به محللرینه کیتمیلدرلر .

۲۲۵ — محبوس نقلنده ویاخود مخبره خدمتده استخدام اولنان چاوشان و اونباشی و نفرات عودت لرنده یانلرنده محبوس اولدینی حالدله و مافوقلرندن امر استحصال ایتیش ایسه لر کیتدکلری یولدن دوغیب امر اولدینی وجهله فائده لی معلوماتی آله بیلیمک و کشف ایتیمک ایچون اورمانلردن و چفتلکلردن و منفرد خانه لر بولنان محللردن و سائر شبهه لی یرلردن کچهرک عودت ایدرلر .

۲۲۶ — مظنون و محکوملری نقل ایدن سواری ژاندارمه حیواندن اینیوب مسلح اولدقلری حالدله طور عسکری ایلله کیدرلر و پیاده ژاندارمه لر دخی کذلک مسلح اوله رق وقار عسکری ایلله یورورلر و محبوسلر آراهه ایلله نقل اولندقلری حالدله ژاندارمه لر سواری ایسه آراهه لرک یانلرندن و کروسندن کیدرلر . اگر پیاده ایسه آراهه لره بینرلر .

۲۲۷ — مظنون ویا محکوملر علی العموم بر قره غولدن

دیگر قره غوله یا اوله رق سوق ایدیلور . مع مافیه اسباب فوق العاده دن ویا لزومندن طولانی . بونلر مأمورین عدلیه ویا ملکیه طرفندن اسبابی تصریح ایله وقوع بوله جق طلبه کوره شمندوفر ویاخود آراهه ویا حیوان ایله نقل اولتورلر .

۲۲۸ — نقل ایدیله جک محبوسلر حبسخانه دن چیقارلمازدن اول ژاندارمه لر نقل اوله جق محبوسلرک انلر اولوب اولمدیغنی لایقینه تحقیق ایتدکن صکره اوستلرنده ییچاق ویا قاجلرینه یاردم ایدم بیله جک دیگر آلات ویاخود آقچه ویاخود قیمتلی بر شی اولوب اولمدیغنی یوقلایوب بو مثللو آلات واشیا ویاخود آقچه بولدقلری تقدیرده اخذ ایله بونلری یول تذکره لری اوزرینه قید ایدرلر و محل معینه وصوللرنده ژاندارمه لر طرفندن آقچه واشیای مأخوذه دخی محبوسلرایله برابر با علم و خبر تسلیم اولتور .

۲۲۹ — ژاندارمه لر اثنای راهده محبوسلرک هر بر حرکتی کوزمه رک فرار ایلمک نیتنده اولوب اولمدقلرینی حال و طور لرندن آکلامه غیرت ایدم جک وفراری تسهیل ایدم بیله جک اولان اورمان ودره و خندک وچای وقوغلامق کوچ اولان عارضه لی کیدلردن و غلبه ک بر محلدن کچیلدیکی حالده محبوسلره زیاده سیله دقت ایلیه جکلردر .

۲۳۰ — محبوسلر اکر محافظه لرینه مأمور ژاندارمه لرک تحت محافظه سنده ویاخود قره غول حبسخانه سنده ایکن خسته لتورلر ایسه مأمورین ملکیه طرفندن تدایوسی ایچون ایجابی اجرا اولتور وجوارده برخسته خانه اولدینی حالده اورایه نقل

ایدیلور . اگر یورومک اقتداری یوق ایسه بولندیی محله
تداویسنه اهتمام اولنور . اگر وفات ایدر ایسه در حال ناحیه نك
مدیرینه اخبار کیفیت ایله بعد المعاینه دفن ایدلك ایچون اقتضا
ایدنلر دعوت قنور واشبو محبوسلره دأثر اولان اوراق ایله
نقللرینه متعلق امر نامه لر بوبابده تنظیم اولنه جق ژورناله لفاً
قضا ژاندارمه قوماندانه کوندریلور .

ایکنجی قسم

محبوسین عسکریه نك نقلی

۲۳۱ — محبوس اولان افراد عسکریه نك یوللرده اتفاق
اولنسی ایچون اقتضا ایدن اكمك وقائق پاره سی یدلرینه
وبرلندکجه ژاندارمه طرفندن محبوس قبول اولنیه جقدر .

۲۳۲ — احاددن اولا محبوسلرك نقلنه دأثر بالاده بیان
اولنان اصول، عسکری محبوسلری حقننده دخی آتیده بیان
اولنه جق تعدیلات ایله برابر اجرا اولنه جقدر .

۲۳۳ — عسکریدن اولان محبوسینك تخلیه سیبلی جهت
عسکریه دن بر حکم وامر صدورینه متوقفدر .

۲۳۴ — ژاندارمه قره غوللری طرفندن سلك عسکریده
بولنان ویا خود عسکره متعلق ومنسوب اولانلردن بری اخذ
وگرفت اولندقدمه بونی در دست ایدن ژاندارمه قره غولنك
اقامتگاهی قوناق اتخاذاولنمیان بر تحل ایسه موقوف اولان
شخص محلی توقیفخانه سنه قونیلور . بویه موقع عسکری اولمیان
محللرده توقیف اولسان عسکر اوراده ایکی کوندن زیاده
طوردیرلماز .

۲۳۵ — ژاندارمه طرفدن دردست ایدیلان ویاخود سائرلری طرفدن ژاندارمه قره غولخانه سینه تسلیم اولنان افراد عسکریه نظامی دائره سنده بمکلك وسائر مصارف اداره عسکریه نظامنامه سنک یوز طقسان التجهی بندی منطوقجه محلی مال صندوقدن ایفا اولنور .

۲۳۶ — عسکری محبوسلرینک یورو مکه اقتداری اولیه حق درجه ده خسته اولدقلری طیب طرفدن باراپور بیان اولنور ایسه انلر حیوان ویاخود آراهه ایله نقل اولنورلر . برطیب راپوری اولدقجه . دائما یایا اوله رق سوق ایدیلورلر . فقط ششمندوفر بولنان محللرده یایا اوله رق کوندریلیوب شمندوفر ایله کوندریلورلر .

۲۳۷ — عسکریدن اولان مظنون ویا محکوملر یولده خسته لدینی حالده ژاندارمه نك ومأمورین محلیه نك نظارت مخصوصه لری آلتنده اوله رق الك یقین بولنان خسته خانه یه قدر سوق اولوب خسته خانه یه نقل ایدلیکنی مین بونلری سوقة مأمور اولانلر خسته خانه دن علم وخبر آلورلر .

۲۳۸ — ژاندارمه یه تسلیم اولنان عسکری محبوسی فرار ایدلیکی حالده اول محبوسك اسم وکنیه واشکالی درعقب متجاوز بولنان ژاندارمه قره غوللرینه کوندریلور . اگر اشبوفر ارانهای راهده وقوع بولش ایسه فرارینک اسم وکنیه واشکالی محافظی اولان ژاندارمه طرفدن بیلدرلکدن بشقه اول فرارینک اسمیله متعلق اولدینی قطعه عسکریه سنی ومحکومیتنی ومجازات محدوده سنی وتاریخی وفرار ایتدیکی محل

ایله اكا متعلق سائر تفصیلاتی مین برزورنال قلمه آلنوب
سلسله مراتب قاعده سنه رایة الای قوماندانلغنه قدر کوندریلور.
اگر مذکور فراری بر هفته یه قدر طوتیله مازسه الای
قوماندانی اشبو زورنالی مقام سرعسکری یه وبر صورتی اول
ولایتده بولنان عسکری قوماندانه کوندر و مذکور فراری
طوتلدینی حالد اصول مشروحه وجهله هم مقام سرعسکری یه
هم ده او ولایتده بولنان عسکری قوماندانه معلومات ویرر .
۲۳۹ — فرار ایدن عسکر عسا کر بحریه دن ایسه عین
بالاده بیان اولنان اصول اوزره زورنالیری بحریه نظارتنه
کوندریلور و طوتلدینی حالد معلومات ویریلور .

۲۴۰ — محبوسین عسکریه دن حبسخانه ده وفات ایدن
ویا خود فرار ایلیانلرک ترک ایده جکلری آقچه و اشپای سائر نک
جنسنی مین ایکی قطعه زورنال تنظیم ایدیلوب اشبو زورناللرک
برسی قالمش اولان آقچه و اشپا ایله برابر ژاندارمه طابوری
قوماندانی معرفتله متوفانک و یا خود فرارینک منسوب اولدینی
قطعه عسکریه یه کوندریلور و تسلیم مین علم و خبر آلنور
و زورنالک دیکر بر قطعه سی دخی ژاندارمه قره غولنده قالور .
۲۴۱ — ژاندارمه یه تسلیم اولنان عسکری محبوسینک
اشپای میریه سنک ضایع اولماسنه و صاتلامسنه دقت ایدیلوب
اشبو اشپا محبوسله برابر تسلیم اولنور .

اوجنچی قسم

محبوسینک نقلی زماننده ژاندارمه نک مسئولیتی
۲۴۲ — کندولرینه تسلیم ایدیلان محبوسلری قاجیرماق

ایچون ژاندارمه لر کمال احتیاط و دقت اوزره طاورانه رق
هر نوع اسباب محافظه یی استکماله سعی و اقدام ایتمک مجبور
ایسه لرده لزوم سز اولان شدتی استعمال ایتمک ممنوعدر .
فقط محبوسلر طرفدن کندیلرینه هجوم ایدلدیکی تقدیرده
سلاح ایله مدافعه یه قدر مأذوندرلر .

۲۴۳ — محبوسلری نقل ایتمک خصوصنده سهولت بخش
اولق ایچون ژاندارمه لر دمیر تلدن بوککش اوفاق زنجیر
ویا خود آصمه کلید ایله کلیدلنمش خلقه قوللانه بیلورلر .
محبوسلرک عصیان و یا خود فرار ایتملری ملحوظ و مظنون
بولندینی وقت پارمق کلجه سی قوللانمق جائزدر . طاقلدینی
یرلری جریحه دار ایدم بیله جک آغیر زنجیر ، ویده لی بیلک
کلجه سی استعمال ایتمک ممنوعدر . محبوسلرک باغلانمش
اولدینی ایپک اوجنی ژاندارمه لر کندولرینه و حیوانلرینه
باغلامیوب اللرنده طوتملری لابدر . یول ائناسنده وقوع
بولان حالاتی ژورناله درج ایدرلر .

۲۴۴ — محبوس نقلنه مأمور اولان ژاندارمه لر اسلحه لرینی
طولو طوتارلر . محبوسلرک عصیان و یا فرار ایلمک نیت
وافکارنده بولندقلری حس اولندینی حالدده محافظلرک
قوماندانی نظامه رعایت ایلملرینی محبوسینه تبلیغ ایدوب
اطاعت ایتمدکلری تقدیرده سلاح قوللانمغه مجبور اوله جقلرینی
کندولرینه خبر ویررلر . اگر بواصره دخی اطاعت ایتمیه رک
مخالفته دوام ایدرلر ایسه اول وقت سلاح استعمال ایدرلر .

۲۴۵ — اگر محبوسلر سلاح ایله اوریلوب بری ویاخود برقاچی میدانده قالور ایسه محافظه قوماندانی وقعه یی مفصل بر ژورنال تنظیمی ایله اک یقین اولان ناحیه نك ضابطه عدلیه مأمورینه وقضائک ژاندارمه ضابطنه خبر ویرر . مذکور عدلیه مأموری ایله ژاندارمه ضابطی دخی در حال محل وقعه یه کلورلر .

۲۴۶ — بالاده بیان اولنان ژورنال محافظ بولسان ژاندارمه لرك جمله سی طرفندن امضا اولنه رق ضابطه عدلیه مأمورینه تسلیم اولنور وبر صورتی دخی ژاندارمه قوماندانه ارسال قنلور .

۲۴۷ — ژاندارمه لر بالاده بیان اولنان جنازه لر خصوصندن طولایی ملکیه ویاخود ضابطه عدلیه مأمورلری طرفندن امر مخصوص ویرلدکجه محبوسلری نقلدن کری قاله مازلر .

۲۴۸ — وقوعات مشروحه ژاندارمه بلوکی قوماندانی طرفندن آلائی قوماندانه تحریراً بیلدیریلور . طابور قوماندانه ده بوبابده بر ژورنال ارسال اولنور .

۲۴۹ — محبوسلرك سالماً نقل اولنانلری کندی لرینه عائد اوراقله برابر محل معینه ارسال اولنور ومحافظه قوماندانی فرار ایدنلری ممکن اولدینی قدر تحریری ایدر وایجاب ایدنلره کنیه واشکالئی اخبار ایدوب بوبابده حکومت مأمورلری ایله اهالینک معاونتئی طلب ایدر ایسه ده اله کچیره میه جکلری آکلاشلدینی تقدیرده تحریدن واز کچوب کیفیتی با ژورنال بلوک قوماندانه بیان ایدر . اشبو قوماندان دخی مذکور

فراريلك فرارلرينه محافظلرك قصاداً وقوع بولان مساعده لریمی ویاخود دقتسزلک لریمی سبب اولمش اولدینی تحقیق ایدوب اله کجیرملری ایچون او امر لازمه اعطا ایدر و کیفیتی با زورنال طا بور قومانداننه بیان ایدر. محبوسلرك کافه سی فرارایتمش لرایسه اوراقی در حال فرار زورنالیه برابر بلوک قومانداننه ارسال ایدر.

۲۵۰ — هر هانکی بردقتسزلکدن طولای محبوسلری قاجیرانلر حقنده جزا قانوننا هایدوننده معین اولان مجازات اجرا اولنور. بناءً عایه بونلر حقنده یاپیله جق زورناللر موضحاً یازلق اقتضا ایدر.

۲۵۱ — ژاندارمه چاوش واونباشیلری ونفراتی نقل ایچون کندولرینه تسلیم اولنان مظنون و محکوملردن آقچه ویا اشیا آلمش ویاخود استقراض ایلمش اولدینی دیوان حریده بالمحا که تین ایدر ایسه خدمتدن اخراج اولنوب جزا کورمک اوزره جهت ملکیه تسلیم اولنور.

اوچنجی فصل

ژاندارمه قره غوللرینک فوق العاده خدمتلی

قسم مخصوص

رسماً وقوع بولان طلب اوزرینه اجرا اولنان خدمتلی

۲۵۲ — ژاندارمه قره غوللرینک خدمات فوق العاده سی آتیده بیان اولنان خصوصاته معاونت ایلمکدر.

اولا : ادخالات و اخراجات رسومی اخذایتمک و کرکردن مال قاجیرلمسنی ویاخود ممنوع اولان اشیا نك ممالك عثمانیه یه

دخولنی منع ایلمکه مأمور اولانلره یاردم ایتک .
 ثانیاً : اورمانلرده ونهر وکول و بیوک ایرماقلر اوزرنده
 نهب و غارتک منی ایچون اورمان مأمورلرینه یاردم ایتک .
 ثالثاً : ویرکو، رسومات و مال مأمورلرینه معاونت ایتک
 ماده سیدر . [ژاندارمه قره غول قوماندانلری ناحیه مال
 مأمورلری طرفندن طلب اولنان محافظلری اعطا ایتزلر .
 فقط مال مأمورلرینک اللرنده بولنان آقچه یه برکونه هجوم
 و تعرض وقوع بوله حق کبی سبب نظامی ارانه ایدیلوبده
 محافظ ایستنبه جک اولدینی حالده مأمورلر قائممقام ویا مدیره
 مراجعت ایدوب انک واسطه سیله محافظ طلب ایدرلر .]
 رابعاً : اوامر و اعلامات محاکمک اجراسنی مأمور
 اولانلره .

۲۵۳ — ژاندارمه لر اموال امیرییه ایله حکومته عائد
 باروت نقلنی و پوسته تاتارلرینی تأمین ایچون رسماً طلب اولنان
 محافظلری تعیین و اعطایه مجبوردرلر .

۲۵۴ — فوق العاده خدمت لر ایچون ژاندارمه دن محافظ
 طلبی لازم کلدیکی حالده سنجاق مرکز لرنده طابور وقضا
 مرکز لرنده بلوک قوماندانلرینه و مواقع سائرده اک بیوک
 رتبه ده بولنان قره غول قوماندانلرینه مراجعت اولنور .

۲۵۵ — میری آقچه سنی حامل بولنان آرابه و حیوانلرک
 سیرسریع ایله حرکت ایتلرندن یانلرینه ترفیق اولنان سواری
 ژاندارمه حیوانلرینک تلف اولسی ملحوظ بولنور ایسه او
 حالده ژاندارمه ضابطلری حکومت مأمورلری ایله مشاوره

ایدرك وقوعی ملحوظ تسلطاته قارشو محافظ یرینه قول
ویا خود پوصو ترتیب ایدر . اشبو قول و پوصولر اکثری
کیجه لری استعمال اولنوب آراهه حیواناتک قطع ایده جکی یولک
اوزاقلغنه و مأمول اولان تهلکه یه کوره ایجاب ایدن محلله
ترتیب ولزومنه نظراً تکثیر اولنور .

۲۵۶ — متصرفلر و یاخود قائم مقاملر طرفندن محافظ
ویرلسی حقنده ویریلان امرلر ژاندارمه ضابطانی طرفندن
رد اولنه مازو محافظلر بینمک ایچون آراهه جینک یاننده یر بوله مازلر
ایسه محل معینه و یاخود تبدیل اولنه جقلری محلله قدر آرقه دن
کیدرلر و آراهه حیواناتک یان و یاخود ایلر و سنده کیتیموب انلری
کوزدن غائب ایتمامک و اوزرلرینه هجوم وقوعنده یتشه بیلیمک
اوزره آرقه طرفنده بولنلملیدر و بومثللو محافظه مأموریتلرنده
بولان ژاندارمه لرك سلاحلری دائماً طولو طو تلملیدر .

۲۵۷ — پوسته نك حین عزیمتنده محافظ اخذینه لزوم
کورولمز ایسه اثنای راهده اقتضا ایلدیکی حالده محافظ طلب
ایده بیلیمک اوزره تاتار و یا سوریحیلریدلرینه حکومت مأمورلری
طرفندن بر طلبنامه ویریلور .

۲۵۸ — محافظ قوماندانی هر آراهه یه کندی طاقندن بر
آدم قاتار و برکونه تهلکه اولوب اولمادیغنی و حسن حالده بولنوب
بولنمادیغنی آکلامق ایچون صیقجه صیقجه آراهه لری معاینه ایدر .

۲۵۹ — ژاندارمه لر ممکن اولدینی مرتبه مهمات ناریه
قافله لرینی عادتایور ویش ایله نك قول نظامنده یوریدر و قافله
یاننده توتون ایچمکی منع ایدر و بو یوزدن واهال و تسیب کبی

حالاتدن، بر قضا وقوعنه سبب اوله جق سائر شیلردن طولایی
مسئولدر . بناءً علیه قافله سوقی خصوصنده نظامات عسکریه یه
واصول موضوعه سنه توفیق حرکت ایتملری لازمدر .

بشنجی باب

ژاندارمه طابورلری هیئتلرینک ضبط وربط وانتظام داخلیلری

برنجی فصل

انتظام وانضباط

برنجی قسم

انتظام داخلی

۲۶۰ — ژاندارمه ضابطان و کوچک ضابطان ونفراتنک
تأهللری عساکر نظامیه شاهانه حقنده متخذ اولان اصوله
توفیق اولنه جقدر .

۲۶۱ — ژاندارمه چاوشان واونباشی ونفراتی قشله
وقره غولخانه لرده و حکومت دائره لرنده بیتوتت ایدر لر ویا لکز
خدمت ایجابی اوله رق محل آخرده دخی یاته بیلور لر . فقط
قره غول لر بوش برا غلم یوب برر نوتجی بولندیر یله جقدر .

۲۶۲ — ژاندارمه چاوش واونباشی ونفراتی تجارتله
مشغول اوله مازلر . هیچ بر سببله ژاندارمه افرادینک اهالی
خانه لرنده جبراً اقامت ایتدیر لسی جائز اوله ماز .

۲۶۳ — ژاندارمه لرك خدمت خار جنده قشله یه کیروب
چیقمملری عسکر ی اصوله تطبیق اولنه جقدر .

۲۶۴ — ژاندارمه نفراتی آراندینی وقت بولنه بیلمک

اوزره اونباشيسنه خبر ويرمدجه هيچ بر طرفه كیده من
ودائما كيتدكلری يرلرده اطوار مطلوبه اوزره بولملری ایچون
کندولرینه تنبیهات قویه اجرا اولنور .

۲۶۵ - ژاندارمه ضابطانی کندی چاوش واونباشی
ونفرلرینک بورجه کیرملرینی موجب اوله جق صورتده
مصرف ایتملرینه زیاده سیله دقت ایدرلر و ما کولات واشیای
لازمه ایچون ایدیه جک بورجلر آلا ی قومانداننک امریله
معاشلرندن قطع اولنور ونظاماً لازم کلان مجازات دخی اجرا
ایدیلور .

۲۶۶ - آلا ی قوماندانی مدیون ضابطلرک طابورلرندن
کلان پوصله موجبجه بورجلرینک بر آن اول قبادلسنه سی
ایدوب ایجاب ایدر ایسه معاشنه محسوباً تأدیه ایتدیرر .

۲۶۷ - سرخوشلنی اعتیاد ایتیش اولوبده بوندن
طولایی برسنه ظرفنده اوج دفعه مجازات کوردکدن صکره
اصلاح نفس ایتمیان ژاندارمه چاوش واونباشی ونفراتنک
قیدی ترقین ایدیلور .

ایکنجی قسم

ژاندارمه لرك معلومات مخصوصه وعسکریه سی

۲۶۸ - اشبو نظامنامه ده مندرج اولان موادك كافه سی
ژاندارمه امرا وضابطانی طرفندن تمامیه بیلنمك الزم اولدینی
جهتله صورت دائمه ده مطالعه ایلملری اقتضا ایدر .

۲۶۹ — چاوش واونباشیلر اشبو نظامنامه نك اوچنچي ودردنچي وېشنچي بابلرينك نظريات وعملياته تماميله واقف اولمليددرلر .

۲۷۰ — ژاندارمه نفراتنك معلومات مخصوصه سي اشبو نظامنامه نك دردنچي بابنك نظريات وعملياتي بيلمكدن عبارتدر .

اشبو نظامنامه نك نفراته عائد اولان اقسامی قره غوللرده صیق صیق قرائت اينديرلمليددر .

۲۷۱ — علی العموم ضابطان ايله قره غول قوماندانلری ژاندارمه نك تعليم وتعلم عسکریلرينی ایلرولتمک ایچون تداییر لازمه بی اتخاذ واجرا ایده جکلردر .

[اشبو تعلیملر ژاندارمه نك خدمات عادیه لرینی تعطیل ویاخود تأخیر ایتیه جک صورتده اجرا اولنمليددر .]

۲۷۲ — ژاندارمه صنوف عسکریه نك ممتاز بر صنفی اولوب کنديسه امنیت وآسایش عمومینك محافظه سی تودیعی قلنمش اولسنه بناءً صنف مذکورك اشبو وظیفه مهمه بی حسن ایفا ایتمه وداثماً شرف عسکرینسی محافظه ایلمکه فوق الغایه دقت ایدرك حیثیت ونفوذینی اعلا ایلمکه چالشمليددر . بنابرین ژاندارمه نفرینك علناً توبیخ وتکدیر ایدلمسی قطعياً ممنوعدر . کوچك ضابطان دخی نفراتك یاننده تکدیر ایدلامليددر .

۲۷۳ — ژاندارمه یه تودیعی قلنان وظائف واعطا اولسان اوامرك مقامات رسمیه خارجه انتشار وشيوعی

چاژ اولدینی جهتله ژاندارمه ضابطان وافرادیئک کشوم
اولملری اقتضا ایدر .

التجی باب

ژاندارمه لرك اجرای خدماتده وظائف و حقوق عمومیسی

فصل مخصوص

۲۷۴ — ژاندارمه لرك باشلیجه وظائفندن بریسی
هر کسک منفرداً امنیت و سلامته دقت ایتمکدر . بناء علیه
بونلر بر مخاطره حالده کندولرندن استمداد ایدن هر بر
شخصه معاونت ایتمکه مجبوردرلر . ژاندارمه افرادندن بریسی
ید اقتدارنده اولدینی حالده اشبو وظیفه یی اجرا ایتمز ایسه
اجرای وظیفه ده قصور ایتمش عد اولنهرق اکاکوره حقندم
مجازات اولنور .

۲۷۵ — نفوذ مأموریتی سوء استعمال ایله اهلینک
حقوق شخصیه سنی اخلال ایدن ژاندارمه ضابطان و کوچک
ضابطان و نفراتی درجه جرم لربنه کوره مجازات اولنور .

۲۷۶ — اشبو نظامنامه ایله تعیین قلنمش اولان
احوال خارجنده و یا غائد اولدینی حکومت طرفندن بر امر
و یا مذکره اولدقجه ژاندارمه نك هیچ بر کیمسه یی توقیف
ایتمکه صلاحیتی یوقدر . ژاندارمه ضابطان و کوچک ضابطان
و نفراتندن بریسی بوصورتله بلاصلاحیت بر شخصک توقیفی
حقنده بر امر اعطا و یا امضا و یا خود اجرا ایدر و ایتدیزر
و یا خود بالذات کندوسی توقیف ایدر ایسه بغیر حق حبس
اشخاصه متجاسر اولانلر حقنده کی مجازاته مستحق اولور .

۲۷۷ — جرم مشهوددن طولای زاندارمه طرفندن دردست ایدیلان اشخاص سرباً ودرحال ضابطه عدلیه مأمورلرینک حضورینه کوتوریلوب توقیفخانهیه وضع اولنق اوزره لازم کلان توقیف مذکره سی استحصال اولنلیدر.

۲۷۸ — ماده سابقهده بیان اولسدینی وجهله جنحه درجه سنده کی جرم مشهوددن طولای توقیف اولنلر ضابطه عدلیه مأمورینک غیوبتی سببیه درحال استطاق اولنه مدینی تقدیرده ضابطه عدلیه مأمورلرینک حضورینه کوتوریلنجهیه قدر کوز حبسنه آلنه رق مدیر قوناغنده ویا زاندارمه قشله سنده محل مخصوصده آلیقونیله بیلور . فقط اکر جرم جنایت درجه سنده ایسه فرارینه میدان ویرلامک ایچون موثقاً توقیفخانهیه قونیلور . بونلرک ضابطه عدلیه مأموری حضورینه اعزامی اسباب مانعه اولدقجه هیچ بر بهانه ایله یکرمی درت ساعتدن زیاده تأخیر اولنه ماز . بونلری ضابطه عدلیه حضورینه نقل ایتیه رک مدت مذکورهدن زیاده آلیقویان بر زاندارمه ضابط ویا کوچک ضابط ویا نفری بنیر حق حبس اشخاص جرمیه مجازات اولنور .

۲۷۹ — زاندارمهیه تبلیغ واحکامنی اجرا وانفاذ ایتمک اوزره احضار ویا توقیف مذکره سی ویریلوبده مظنون علیه زاندارمه نک منسوب اولدینی قضادن صاووشمش بولنور . ایسه زاندارمه لر عدلیه مأمورلرندن دخی لدی الایجاب استحصال معلومات ایله مظنون علیهک التجا ایلدیکی محلی اوکر نمکه سی ایده جکلردر . مظنون علیهک کشف وتحقیق

ایده بیلدکری و یا خود کندوسنک دردست ایدلسنه یاردم
ایده جک بعض اماره لره دسترس اولدقلری تقدیرده تحریات
واقعه نك نتیجه پذیر اوله مدیفتی مین تنظیم ایده جکی ژورنال
کیفتی درج ایله اشبو ژورنالی مذکره ایله برابر مدعی
عمومی به ارسال ایله جکلردر . بوندن صکره اقتضا ایدن
معاملات مدعی عمومی به عائددر .

۲۸۰ — حکومت محلیه اصولاً کندی دائره حکومتلری
خارجندن ژاندارمه طلب ایله میسه جکی کبی امر مخصوص
اولدقجه بر قضا ژاندارمه سی دیگر قضایه سوق اولنه ماز
ایسه ده بر ژاندارمه مفرزه سی وظیفه مخصوصه سنک اجرا سندن
طولای ایجاب ایلدیکی حالده دائره سنک خارجه چیقار
وکیفتی عائد اولدینی محله بیلدیرر .

۲۸۱ — حکومت ملکیه وعدلیه نك نظامی دائره سنده
واقع اولان امر و طلبلرینه متابعت ایتمیان ژاندارمه ضابطان
وافرادی مافوقه اطاعت ایتمامش کبی جزا کورر و اشبو
عدم متابعتلرندن طولای آسایش عمومی به خلل کلش ایسه
بونک درجه سنه کوره جزاسی تشدید اولنور .

۲۸۲ — اورمان قوجیلری ایجابی تقدیرنده نظام
و آسایش عمومینک محافظه سی ایچون ژاندارمه لره و ژاندارمه
قره غولی دخی اورمانلرده وقوع بوله جق جنحه و جنایاتی
باصدیرمق اوزره اورمان قوجیلرینه معاونته مجبوردرلر .

۲۸۳ — ناچه لرك چفتلك وتزلا و مرعی بکچی

وقوريجيلرى ژاندارمه قره غول قوماندانلرينك نظارتلىرى
آلتده بولندقلرندن بونلر ذكر اولسان بكي وقوريجيلرك
اسامى وسنلرينى ومحل اقامتلىرى دفتر مخصوصنه قيد وتحرير
وانلرك طور وحركتلىرىنه ونه بولده خدمت ايتدكلرىنه دائر
كندى مطالعه لىرى دىنى ترقيم ايدرلر .

۲۸۴ — ژاندارمه ضابطان وكوچك ضابطان واوئباشيلرى
انساي دورلرنده ناحيه بكي وقوريجيلرينك خدمتلىرى
حسن ايضا ايدوب ايتدكلرىنى تحقيق ايله كيفيتى وبونلردن
هر بىرك اخلاق وآدابى وهمت وغيرتى حقنده استحصال
ايتدكلرى معلوماتى متصرف وقائم مقاملره اشعار ايدرلر .

۲۸۵ — حالات مستعجلده ومواد مهمده ژاندارمه
كوچك ضابطان واوئباشيلرى بر ناحيه نك وژاندارمه ضابطانى
دىنى بر قضائك ناحيه بكي وقوريجيلرىنى طلب وجلب ايله
انلرى كرك آلمش اولدقلرى امرلرك اجراسى خصوصنده
كندىلىرىنه معاونت ايتمكده وكرك نظام وآسايش عمومى يى
محافظه ايلمكده استخدام ايده بيلورلر . آنجق اشبو طلبى
اسباب موجبسى ايله برابر مدير وقائم مقاملره بيلدىرملرى
لازمه دندر .

۲۸۶ — ژاندارمه ضابطان وكوچك ضابطان واوئباشيلرى
توقيفنه امر آلمش اولدقلرى اشخاصك ايجابى تقديرنده
كنيه واشكالى ناحيه بكي وقوريجيلرىنه بيلدىرملك اوزره
مديرلره اخبار ايدرلر .

۲۸۷ — ناحیه بکچی و قوریجیلری نظام و آسایش عمومی به مخالف کشف و تحقیق ایلدکلی کافه خصوصاتی مدیرله و بونلر دخی ژاندارمه ضابطان و کوچک ضابطان و اونباشیلرینه بیلدیرمه بورجلی اولدقلری کبی مزبور ناحیه بکچی و قوریجیلری کندی دائرهلری داخلنده وقوعه کلان بالجله جنحه و جنایاتی کذلک خبر ویرملیدرلر .

۲۸۸ — ژاندارمه لریک یول بکجیلرینه دخی برکونه امر ویرمکسزین یالکز نظارت ایتمه حقلری واردلر . بکجیلردن خدمتی باشنده حاضر اولیانلرک اسامیسنی قید و تحریر و قره غول قوماندانلری هر بر دور ظرفنده بوبابده طوتیلان قید دفتربنی بلا تأخیر بلوک قوماندانسه تقدیم ایدرلر . بلوک قوماندانلری دخی هفتهده بر دفعه زیر اداره لرنده بولسان قره غوللر طرفندن غیر موجود اولدینی تحقیق اولمش اولنلرک بر قطعه اجمالی طابور قوماندانلرینه و بونلر دخی عموم سنجاغک غیر موجود دفتربنی متصرفه تودیع ایدرلر .

۲۸۹ — یول بکجیلری ژاندارمه کوچک ضابطان و اونباشی و نفراتی طرفلرندن کندیلرینه و یولجیلره دائر ایراد ایدیله جک سؤاله جواب ویرمه و اطاعت ایتمه مجبوردرلر .

۲۹۰ — مسلحاً براغتشاش ظهورنده موجود ژاندارمه تسکین اغتشاش و اعاده آسایشه کافی اولمدینی حالده کیفیتک یقین اولان عساکر شاهانه قوماندانله اخبار ایتمهکله برابر عساکر شاهانه نک معاونتی طلب ایلکم ایچون مأمورین ملکه پده مراجعت ایدرلر .

۲۹۱ — ژاندارمه ضابطان و کوچک ضابطان و اونباشی و نفراتی وظیفه لرینسک اجرایی مقصدیله و اونفورمه لرینی لایس اولدقلری حالدده نافعہ نظارتی طرفندن مصدق شمندوفر ضابطه نظامنامه سنه رعایت ایتمک شرطیله شمندوفر استاسیو-نلرینه و خطه عائد محللره کیررلر .

۲۹۲ — ژاندارمه ضابطان و کوچک ضابطان و اونباشی و نفراتی ایله بونلرک محافظه لری آلتده حرکت ایدن آرابه و حیوانات و اشخاص ثابت و متحرک کوپرلر اجرا جرتندن معافدرلر .

۲۹۳ — بر خدمت ایچون واپور و یاشمندوفر ایله کلوب کیده جک اولان ژاندارمه ضابط و کوچک ضابط و اونباشی و نفرات خدمته کیتدیکنی مین رسمی بر علم و خبر ابراز ایلدیکی حالدده بونلری واپور و شمندوفر قومپانیه لری منفرداً سیاحت ایدن افراد عسکریه اجریتیه قبول و نقل ایده جکدره .

۲۹۴ — هر هانکی رتبه ده بولنور ایسه بولنسون ژاندارمه افرادندن بریسی نظاماً ارسال اولنان محرراتده حائر اولدینی مأذونیتی سوء استعمال ایله وظیفه سنه عائد کوندره جکی موادک غیری اوراق و اشیای سائر ارسال ایده جک اولور ایسه نظاماً مسئول اوله جقدر .

۲۹۵ — ژاندارمه افرادینک ژاندارمه امرای و ضابطانیله ملکیه و عدلیه مأمورلری طرفندن خدمات ذاتیه ده استخدام اولنسی قطعاً ممنوعدر . یالکز آلائی و طابور و بلوک قوماندانلری و طاقته دائر طرفلرندن ویریه جک امرلری محللرینه تبلیغ ایتمک و یکرمی دوت ساعتده تبدیل ایدمک اوزره مرکزده بولنان قره غوللردن چاوش و اونباشی و نفراتدن برینی مناوبه صورتیه اخذ ایده بیلورلر .

۲۹۶ — دور ویا خدمت سائرہ مقصدیله یوله چیقان بر
 ژاندارمه ضابطی امر نو تجیسی اولق اوزره رفاقتہ بر ژاندارمه
 نفری آلہ بیلور. آنجق بتون دوری ائناسنده یالکز بر نفری
 رفاقتده ابقا ایدہ میوب بر قرم غولدن دیگر قرم غولہ کیتدیکنده
 تبدیل ایدر. والی و متصرف و قائم مقام لر طرفندن ویریلہ جک
 اوامری محللرینه تبلیغ ایتمک ویکرمی درت ساعتده بر تبدیل
 اولنق اوزره امر نو تجیسی نامیلہ والیلرہ بر چاوش بر نفر و متصرف لر
 ایله قائم مقام لرہ برر نفر ویریلور و مشار و مومی الیهمک دورہ
 جیق قدرلرندہ رفاقتلرینه لزومی قدر ژاندارمه ترفیق اولنور.
 ۲۹۷ — ژاندارمه افرادینک مقام سر عسکری یه استدعا

واشتکاسی آلائی قوماندانلری واسطہ سیلہ اشعار اولنه جقدرہ.
 یالکز حقندہ سوء معاملہ وقوع بولمش و سلسلہ امراتب اصولیلہ
 مافوقده بولنان ضابطانک کافہ سنہ مراجعت ایدوبده ینہ حق
 احقاق اولنماش اولور ایسہ او حالده طوغریدن طوغری یه
 مقام سر عسکری یه شکایت ایتمک ژاندارمه افرادی مأذون
 اولوب ایجاب ایدر ایسہ اثبات مدعا سنہ مدار اولہ بیله جک
 اوراقک کافہ سنی عرض حالہ ربط ایدر. بو صورتلہ مقام
 سر عسکری یه تقدیم اولنوبده مقرون حق اولمدینی تین ایدن
 اشتکانک صاحبی مجازات اولنور.

۲۹۸ — مقام سر عسکری وداخلیه وعدلیہ نظارتلرندن
 هربری کندیسنه عائد اولان خصوصاتده اشبو نظامنامہ
 احکامنک اجراسنه مأموردر.

فی ۱۴ ذی القعدہ سنہ ۳۲۱ و فی ۹ کانون ثانی سنہ ۳۱۹



